

溫

熱

經

緯

溫熱經緯卷四

海甯王士雄孟英纂

定州楊照藜素園

烏程汪曰楨謝城評

仁和趙慶瀾笛樓參

陳平伯外感溫病篇

雄按此與下篇相傳爲陳薛所著究難攷實姑從俗以標其姓

宗侯博雅正之

蓋聞外感不外六淫而民病當分四氣治傷寒家徒守發表攻裏之成方不計辛熱苦寒之貽害遂使溫熱之旨蒙昧不明醫門缺典莫此甚焉祖恭不敏博覽羣書

廣搜載籍而恍然於溫熱病之不可不講也。內經云。冬不藏精。春必病溫。蓋謂冬令嚴寒。陽氣內斂。人能順天時而固密。則腎氣內充。命門爲三焦之別使。亦得固腠理而護皮毛。雖當春令升泄之時。而我身之真氣。則內外彌綸。不隨升令之泄而告匱。縱有客邪。安能內侵。是內經所以明致病之原也。然但云冬不藏精。而不及他時者。以冬爲水旺之時。屬北方寒水之化。於時爲冬。於人爲腎。井水溫而堅冰至。陰外陽內。有習坎之義。故立言歸重於冬。非謂冬宜藏而他時可不藏精也。雄按喻氏云春

夏之病皆起於冬。至秋冬二時之病皆起於夏。夏月藏精則熱邪不能侵。與冬月之藏精而寒邪不能入者無

異也。故丹溪謂夏月必獨宿淡味。保
養金水二臟。尤為攝生之儀式焉。即春必病溫之語。

亦是就近指點。總見裏虛者表不固。一切時邪皆易感

受。學者可因此而悟及四時六氣之為病矣。雄按此論冬不藏精

春易病溫之理甚通。惟不知有伏氣為病之溫是其蔽也。陳氏此篇與鞠通條辨皆葉氏之功。臣然幼科要畧

明言有伏氣之溫熱。二家竟未細繹。母乃疏乎。二家且然。下此者更無論矣。難經云。傷寒有

五。有傷寒。雄按麻黃湯證是也。有中風。雄按桂枝湯證是也。有風溫。雄按冬

之外有熱病。雄按即暑病。有溼溫。雄按即暑兼溼為病也。亦曰溼熱。夫

統此風寒溼熱之邪而皆名之曰傷寒者。亦早鑑於寒

臟受傷。外邪得入。故探其本而皆謂之傷寒也。雄按仲景本論

治法原有區別。界畫甚嚴。後人不察。罔知所措。多致誤人。茲余輯此專論。以期了然於學者之心目也。獨

是西北風高土燥風寒之爲病居多雄按亦不盡然東南地卑

水溼溼熱之傷人獨甚從來風寒傷形傷形者定從表

入溼熱傷氣傷氣者不盡從表入故治傷寒之法不可

用以治溫熱也夫溫者暎也熱也非寒之可比也風邪

外束則曰風溫溼邪內侵則曰溼溫縱有微寒之兼襲

不同栗冽之嚴威是以發表宜辛涼不宜辛熱清裏宜

泄熱不宜逐熱雄按亦有宜逐者總須辨證耳蓋風不兼寒卽爲風火

溼雖化熱終屬陰邪雄按溼固陰邪其兼感熱者則又不可謂之陰矣自昔仲

景著書不詳溫熱遂使後人各呈家伎漫無成章而凡

大江以南病溫多而病寒少雄按北省溫病亦多於傷寒投以發表

外感
溫病

不遠熱。攻裏不遠寒。諸法以致死亡接踵也。悲夫。雄按篇中

非伏氣之說皆爲節去
棄瑕錄瑜後皆仿此

風溫爲病。春月與冬季居多。或惡風。或不惡風。必身熱。欬嗽。煩渴。此風溫證之提綱也。

自注。春月風邪用事。冬初氣暝多風。雄按冬暝不藏不
必定在冬初也

故風溫之病。多見於此。但風邪屬陽。陽邪從陽。必傷衛氣。人身之中。肺主衛。又胃爲衛之本。是以風溫外薄。肺胃內應。風溫內襲。肺胃受病。其溫邪之内外有異形。而肺胃之專司無二致。故惡風爲或有之證。而熱渴欬嗽爲必有之證也。三復仲景書。言溫病者再。一則曰太陽

病發熱而渴。不惡寒者。爲溫病。此不過以不惡寒而渴

之證。辨傷寒與溫病之異。而非專爲風溫敘證也。雄按此言

伏氣發爲春溫。非冬春所感之風溫。故曰太陽病以太陽爲少陰之表也。再則曰發汗已身

灼熱者。名曰風溫。夫灼熱因於發汗。其誤用辛熱發汗

可知。仲景復申之曰。風溫爲病。脈陰陽俱浮。自汗出身

重。多眠睡。鼻息必鼾。語言難出。凡此皆誤汗劫液。後變

見之證。非溫病固有之證也。續云。若被下者。直視失溲。

若被火者。發黃色。劇則如驚癇狀。時瘈瘲。若火熏之一

逆尙引日。再逆促命期。亦止詳用下用火之變證。而未

言風溫之本來見證也。雄按此言溫病誤汗熱極生風故曰風溫乃內風也非冬春外

外感
溫病

感之風溫陳氏不知有伏氣春溫之病強為引證原可刪也然病之內外雖殊證之屬溫則一姑存之以為後學比然從此細參則知風溫為燥熱之邪燥令從金化

燥熱歸陽明故肺胃為溫邪必犯之地且可悟風溫為燥熱之病燥則傷陰熱則傷津泄熱和陰又為風溫病一定之治法也反此即為逆矣用是不辭僭越而於仲

景之無文處求文無治處索治敘證施治列為條例知

我罪我其在斯乎雄按外感溫病仲聖雖未言而葉氏已詳論矣

風溫證身熱畏風頭痛欬嗽口渴脈浮數舌苔白者邪在表也當用薄荷前胡杏仁桔梗桑葉川貝之屬涼解表邪

楊云前胡桔梗一降一升以泄肺邪誠善然桔梗宜少用

自注。風屬陽邪。不挾寒者。爲風溫。陽邪必傷陽絡。是以頭痛。畏風。邪鬱肌表。肺胃內應。故欬嗽。口渴。苔白。邪留於表。故脈浮數。表未解者。當先解表。但不同於傷寒之用麻桂耳。

雄按。何西池云。辨痰之法。古人以黃稠者爲熱。稀白者爲寒。此特言其大槩。而不可泥也。以外感言之。傷風欬嗽。痰隨嗽出。頻數而多。色皆稀白。誤作寒治。多致困頓。蓋火盛壅逼。頻欬頻出。停留不久。故未至於黃稠耳。迨火衰氣平。欬嗽漸息。痰之出者。半日一口。反黃而稠。緣火不上壅。痰得久留。受其煎煉。使然耳。故黃稠之痰。火

氣尚緩而微。稀白之痰。火氣反急而盛也。此皆當用辛涼解散。而不宜於溫熱者。推之內傷亦然。孰謂稀白之痰。必屬於寒哉。總須臨證細審。更參以脈。自可見也。風溫證。身熱。欬嗽。自汗。口渴。煩悶。脈數。舌苔微黃者。熱在肺胃也。當用川貝。牛蒡。桑皮。連翹。橘皮。竹葉之屬。涼泄裏熱。

此溫邪之內襲者。肺熱則欬嗽。汗泄。胃熱則口渴煩悶。苔白轉黃。風從火化。故以清泄肺胃為主。

雄按。苔黃不甚燥者。

楊云。故條中言微黃。亦具見斟酌。

治當如是。若黃

而已乾。則桑皮。橘皮。皆嫌其燥。須易栝蘆。黃芩。庶不轉

傷其液也。

風溫證身灼熱。口大渴。欬嗽。煩悶。譫語如夢語。脈弦數。乾嘔者。此熱灼肺胃。風火內旋。當用羚羊角。川貝。連翹。麥冬。石斛。青蒿。知母。花粉之屬。以泄熱和陰。

此溫邪襲入肺胃之絡。灼燥陰津。引動木火。故有煩渴嘔逆等證。急宜泄去絡中之熱。庶無風火相煽。走竄包絡之虞。

雄按。嗽且悶。麥冬未可卽投。嫌其滋也。

汪按。徐澗溪謂麥冬能滿肺氣。

非實嗽所宜是也。

以爲大渴耶。已有知母。花粉足勝其任矣。木火上衝而乾嘔。則青蒿雖清少陽而嫌平升矣。宜去此。

外感
溫病

二味加以梔子。竹茹。枇杷葉則妙矣。楊云議藥細極微芒讀者不可草草

讀過

風溫證身熱欬嗽口渴下利苔黃譫語胸痞脈數此溫邪由肺胃下注大腸當用黃芩桔梗煨葛豆卷甘草橘皮之屬以升泄溫邪

大腸與胃相連屬與肺相表裏溫邪內逼下注大腸則下利治之者宜清泄溫邪不必專於治利按傷寒論下利譫語者有燥矢也宜大承氣湯因是實熱內結逼液下趨必有舌燥苔黃刺及腹滿痛證兼見故可下以逐熱若溫邪下利是風熱內迫雖有譫語一證仍是無形

之熱蘊蓄於中。而非實滿之邪。盤結於內。故用葛根之

升提。不任硝黃之下逐也。

汪按升提亦所不任

雄按。傷寒爲陰邪。未曾傳腑化熱。最慮邪氣下陷。治必

升提溫散。而有早下之戒。溫熱爲陽邪。火必克金。故先

犯肺。火性炎上。難得下行。若肺氣肅降有權。移其邪由

腑出。正是病之去路。升提胡可妄投。

楊云小兒患疹必下利。與此正同。故

溫病多有發疹者。誤升則邪入肺絡。必喘吼而死。

既云宜清泄其邪。不必專於

治利矣。况有欬嗽胸痞之兼證。豈葛根豆卷桔梗之所

宜乎。當易以黃連桑葉銀花。須知利不因寒。潤藥亦多

可用。仲聖以豬膚白蜜治溫病下利。寓意草論肺熱下

外感
溫病

利最詳。學者宜究心焉。且傷寒與溫熱邪雖不同。皆屬無形之氣。傷寒之有燥矢。並非是氣結。乃寒邪化熱。津液耗傷。糟粕煉成燥矢耳。溫熱病之大便不閉。爲易治者。以臟熱移腑。邪有下行之路。所謂腑氣通。則臟氣安也。設大便閉者。熱燥胃津。日久亦何嘗無燥矢。宜下之證哉。惟傷寒之大便不宜早解。故必邪入於腑。始可下其燥矢。溫熱由腑及胃。雖不比疫證之下不嫌早。而喜其便通。宜用清涼。故結成燥矢者。較少耳。憶嘉慶己卯春。先君子病溫。而大便自利。彼時吾杭諸名醫。咸宗陶節庵書。以治傷寒。不知所謂溫證也。見其下利。悉用柴

葛升提。提而不應。或云是漏底證。漸投溫補。病日以劇。

將治木矣。父執翁七丈。

忘其字矣。似是立賢二字。

薦浦上。林先生來

視。浦年甚少。診畢。卽日是溫證也。殆誤作傷寒治。而多服溫燥之藥乎。幸而自利不止。熱勢尙有宣泄。否則早成灰燼。奚待今日耶。卽用大劑犀角。石膏。銀花。花粉。鮮生地。麥冬等藥。囑煎三大碗。置於榻前。頻頻灌之。藥未煎成之際。先竿蔗漿恣飲之。諸戚長見方。相顧莫決。賴金履思丈力持煎其藥。至一周時服竣。病有起色。遂以漸愈。時雄年甫十二。聆其言。而心識之。踰二年。先君捐館。雄餬口遠遊。聞浦先生以善用清涼爲衆口所鑠。乃

從事於景岳。而以溫補稱。枉道徇人。惜哉。然雄之究心於溫熱。實浦先生有以啟之也。浦今尙在。因其遠徙於鄉。竟未遑往。質疑義爲恨。附記於此。聊志感仰之意云爾。

風溫證。熱久不愈。欬嗽。脣腫。口渴。胸悶。不知飢。身發白疹。如寒栗狀。自汗。脈數者。此風邪挾太陰脾溼發爲風疹。楊白疹乃肺胃溼熱也。與脾無涉。亦與風無涉。用牛蒡。荊芥。防風。連翹。橘皮。甘草。之屬。涼解之。

風溫本留肺胃。若太陰舊有伏溼者。風熱之邪與溼熱相合。流連不解。日數雖多。仍留氣分。由肌肉而外達皮

外感
溫病

毛發爲白疹。蓋風邪與陽明營熱相併。則發斑。與太陰

溼邪相合。則發疹也。又有病久中虛。氣分大虧。而發白

疹者。必脈微弱。而氣倦怯。多成死候。不可不知。汪按前說卽白

如水晶色之白。瘡後說。卽白如枯骨之白。瘡也。

雄按。白疹卽白瘡也。雖挾溼邪。久不愈。而從熱化。且汗

渴脈數。似非荆防之可再表。楊云。此溼亦不宜易滑石。

葦莖通草。精當。斯合涼解之法矣。若有虛象。當與甘藥

以滋氣液。

風溫證。身熱。欬嗽。口渴。胸痞。頭目脹大。面發泡瘡。者風毒

上壅陽絡。當用荆芥。薄荷。連翹。元參。牛蒡。馬勃。青黛。銀花。

外感
溫病

之屬以清熱散邪。

此卽世俗所謂大頭病也。古人用三黃湯。

九十四

主治。然

風熱壅遏致絡氣不宣。頭腫如斗。終不若仿普濟消毒

飲之。宣絡滌熱爲佳。

汪按方附見九十五

風溫證。身大熱。口大渴。目赤。脣腫。氣粗。煩躁。舌絳。齒板。痰

欬。甚至神昏。譫語。下利黃水者。風溫熱毒深入陽明營分。

最爲危候。用犀角。連翹。葛根。元參。赤芍。丹皮。麥冬。紫草。川

貝。人中黃。解毒提斑。間有生者。

楊云葛根麥冬俱與證不甚登對

此風溫熱毒內壅肺胃。侵入營分。上下內外充斥肆逆。

若其毒不甚重。或氣體壯實者。猶可挽回。否則必壞。

風溫毒邪始得之。便身熱。口渴。目赤。咽痛。臥起不安。手足厥冷。泄瀉脈伏者。熱毒內壅。絡氣阻遏。當用升麻。楊云凡者一用升麻。則邪入肺絡。必喘吼。而聲如曳鋸。陳氏想未之見耳。黃芩。犀角。銀花。甘草。豆卷之屬。升散熱毒。

此風溫毒之壅於陽明氣分者。

楊云。仍是肺病。

卽仲景所云。陽

毒病是也。五日可治。七日不可治。乘其邪犯氣分。未入

營陰。故可升散而愈。

風溫證。身熱。自汗。面赤。神迷。身重。難轉側。多眠睡。鼻鼾。語難出。脈數者。溫邪內逼陽明。精液劫奪。神機不運。用石膏。知母。麥冬。半夏。竹葉。甘草之屬。泄熱救津。

外感
溫病

鼻鼾面赤。胃熱極盛。人之陰氣。依胃爲養。熱邪內灼。胃液乾枯。陰氣復有何資。而能滲諸陽。灌諸絡。是以筋骨懈怠。機關失運。急用甘涼之品。以清熱濡津。或有濟也。雄按。宜加西洋參。百合。竹瀝。

風溫證。身熱。痰欬。口渴。神迷。手足痠癢。狀若驚癇。脈弦數者。此熱劫津液。金囚木旺。當用羚羊。川貝。青蒿。連翹。知母。麥冬。鉤藤之屬。以息風清熱。

肺屬金而畏火。賴胃津之濡養。以肅降令。而溉百脈者也。熱邪內盛。胃津被劫。肺失所資。木爲火之母。子能令母實。火旺金囚。木無所畏。反侮所不勝。是以筋脈失養。

風火內旋。痰癡驚癇。在所不免。卽俗云發瘧是也。故以息風清熱爲主治。

雄按。可加元參。梔子。絲瓜絡。

風溫證。熱渴煩悶。昏憤。不知人。不語。如尸厥。脈數者。此熱邪內蘊。走竄心包絡。當用犀角。連翹。焦遠志。鮮石菖蒲。麥冬。川貝。牛黃。至寶之屬。泄熱通絡。

熱邪極盛。與三焦相火相煽。最易內竄心包。逼亂神明。閉塞絡脈。以致昏迷不語。其狀如尸。俗謂發厥是也。閉者宜開。故以香開辛散爲務。

熱邪極盛。三焦相火相煽。最易內竄心包。逼亂神明。閉

溫病

塞絡脈。雖是喻氏之言。而法以香開辛散。然熱極似水。
一派煙霧塵天。蒙住心胸。不知不識。如人行煙塵中。口
鼻皆燥。非兩解不能散其勢。再入溫熱之處。則人當燥
悶死矣。且溫熱多燥。辛香之品。盡是燥。燥與熱鬥。立見
其敗。且心神爲熱邪蒸圍。非閉塞也。有形無形。治法大
異。遇此。每在敗時。故前人不能探其情。今補薛生白先
生一法於後。汪按此乃駁香開辛散之法。而別立一法。與本書異趣。蓋此條當是他人附贅之評。
語非本書也。極明雄黃一兩。研極細。入銅勺內。又研提淨牙
硝六錢。微火鎔化。撥勻如水時。楊云雄黃多而牙硝少。何能勻撥如水兩字。錢
宗必有誤。急濾清者於梔粗渣不用。凝定。此丹竈家祕製。

也。凡遇前證。先用陳雨水十碗。內取出一碗。煎木通一錢。通草三錢。傾入九碗冷水內。又取犀角磨入三錢。或旋磨旋與亦可。每碗約二三升。再將製雄挑二三釐。入碗冷與服。時時進之。能於三日內進之盡。必有清痰。吐出數碗而愈。

楊云。據此用法。當是黃一分。硝六分也。

十救七八。蓋此證死

期最緩。而醫人無他法。每每付之天命。牛黃清心而已。

可勝長歎。

雄按。煉雄黃法。訪於游宦。紀聞。見知不足齋叢書。

薛生白溼熱病篇

雄按。江本吳本俱作溼溫。

雄按此篇。始見於舒松摩重刻醫師祕笈後。云是

薛作。章氏從而釋之。而江白仙本。以附陳作後。吳

子音溫熱贅言。連前篇併爲一人之書。並不標明何人所著。但曰寄瓢子述。且前篇之末。有今補薛生白先生一法於後云云。則此篇亦非薛著矣。其江本所補一法。又無薛生白三字。且此篇張友樵所治酒客之案。但稱曰余診言。人人殊無從覈實。姑存疑以質博雅。

一涇熱證。

雄按既受涇又感暑也。卽是涇溫亦有涇邪久伏而化熱者。喻氏以爲三氣者。謂夏令地氣已

熱而又加以始惡寒。後但熱不寒。汗出。胸痞。舌白。

吳本下

天上之暑也。二口渴不引飲。

雄按甘露消毒丹九十五最妙。○吳本雖

是其師治。似較江本爲可信也。故引證。但據吳本而江本從畧。

自注此條乃溼熱證之提綱也。溼熱病屬陽明太陰經

者居多。章虛谷云胃為戊土屬陽脾為己土屬陰溼土之氣同類相召故溼熱之邪始雖外受終歸脾

也。胃中氣實則病在陽明中氣虛則病在太陰。外邪傷人必隨人身

之氣而變如風寒在太陽則惡寒傳陽明即變為熱而不惡寒今以暑溼所合之邪故人身陽氣旺即隨火化

而歸陽明陽氣虛即病在二經之表者多兼少陽三焦隨溼化而歸太陰也。

雄按此二句病在二經之裏者每兼厥陰風木。以肝脾從吳本補入

相近以少陽厥陰同司相火。少陽之氣由肝膽而升流行三焦即名相火陽

明太陰溼熱內鬱鬱甚則少火皆成壯火而表裏上下

充斥肆逆。經曰少火生氣壯火為亢陽之暴氣故反食其元氣食猶蝕也

外邪鬱甚使陽和之故是證最易耳聾。氣悉變為亢暴之氣而充斥一身也

乾嘔發瘧發厥暑溼之邪蒙蔽清陽則耳聾內而提綱

中不言及者因以上諸證皆溼熱病兼見之變局而非

溼熱病必見之正局也必見之證標於提綱使人辨識

證或有或無皆不可定始惡寒者陽為溼遏而惡寒終

非若寒傷於表之惡寒溼為陰邪始遏其陽而惡寒既

邪之純陰而後但熱不寒則鬱而成熱反惡熱矣雄按

惡寒甚也溼鬱成熱故反惡熱所謂六氣皆從熱盛陽明則汗出

火化也况與暑合則化熱尤易也章云熱在溼中蒸溼為汗溼蔽清陽則胸痞溼邪內盛則舌白溼熱

交蒸則舌黃雄按觀此句則提綱中熱則液不升而口

渴溼則飲內留而不引飲章云以上皆明提綱然所云

表者。乃太陰陽明之表。而非太陽之表。

溼熱邪歸脾胃非同風寒之在

太陽也。雄按據此則前病在太陰下必有脫簡應從吳本補人。

太陰之表。四肢也。陽明

也。陽明之表。肌肉也。胸中也。

脾胃所主。若以脾胃分之。

則胃為脾之表。胸為胃之表也。

故胸痞為溼熱必有之證。四肢倦怠。肌

肉煩疼亦必並見。

此溼熱在脾胃之表證也。

其所以不干太陽者。以

太陽為寒水之腑。主一身之表。

雄按肺為天天包地外而處於上。膀胱為水水

環地極而處於下。故皆為一身之表。而風為陽邪。首及

肺經。寒為陰邪。先犯膀胱。惟溼為中土之氣。胃為中土

之腑。故胃受之。楊云。此注奇情。風寒必自表入。故屬太

至理。所謂語必驚人。總近情也。

陽。雄按陳亮師云。風邪上受。肺合。溼熱之邪。從表傷者。

十之一二。

章云。是溼隨風寒而傷表。鬱其陽氣而變熱。如仲景條內之麻黃赤小豆湯十五證是也。

出口鼻入者十之八九必由口鼻而入暑熱薰蒸之氣陽明為水穀之

海太陰為溼土之臟故多陽明太陰受病溼輕暑重則歸陽明暑少

溼多則膜原者外通肌肉內近胃腑即三焦之門戶實

一身之半表半裏也雄按此與葉氏溫熱邪由上受直

趨中道故病多歸膜原章云外經絡內臟腑膜原居其

肉所受之邪皆歸於此也其為三焦之門戶而近胃口

故膜原之邪必由三焦而入脾胃也楊云細繹此言則

膜原乃人脂內之膜也然邪之由鼻入者必先至肺由

口入者必先至胃何以云必歸膜原此不可解者也若

云在內之邪必由膜原達外在要之溼熱之病不獨與

傷寒不同且與溫病大異溫病乃少陰太陽同病此仲

論伏氣之春溫若葉氏所論外感之風溫則又不同者

矣雄按此注知有少陰太陽之溫病則與前篇風溫條

例力非伏氣之論者斷非一人之筆即按文義亦彼遜
於此吳氏何以併為一家江本必欲相合強為刪改豈
非自呈偽妄耶汪按前篇自序自稱其名曰祖恭未言
又有此篇此篇又無自序其非出一人乎明甚夢隱辯
之是也溼熱乃陽明太陰同病也始受於膜原而提綱中

言不及脈者以溼熱之證脈無定體或洪或緩或伏或

細各隨證見不拘一格故難以一定之脈拘定後人眼

目也

陽明熱盛見陽脈太陰溼盛見陰脈故各隨證見也

溼熱之證陽明必兼太陰者徒知臟腑相連溼土同氣

而不知當與溫病之必兼少陰比例少陰不藏木火內

燔風邪外襲表裏相應故為溫病

此即經言冬不藏精春發溫病先由內傷

而後外感膏粱中人多有之其冬傷於寒由少陰伏邪
至春發出於太陽之溫病藜藿中人多有之皆必兼少

陰者也。若外感風濕邪，太陰內傷，溼飲停聚，客邪再至。

由上受者，又當別論矣。內外相引，故病溼熱。脾主為胃行津液者也。脾傷而不

溼也。雄按：此言內溼素盛者，暑邪入之，易於留著而成溼溫病也。此皆先有內傷，再感

客邪，非由腑及臟之謂。若溼熱之證，不挾內傷，中氣實

者，其病必微。雄按：內溼不盛者，暑邪無所依傍，雖患溼溫，治之易愈。或有先因於

溼，再因飢勞而病者，亦屬內傷挾溼，標本同病。然勞倦

傷脾為不足，溼飲停聚為有餘。雄按：脾傷溼聚，易云有餘，蓋太飽則脾困過逸

則脾滯，脾氣因滯而少健運，則飲停溼聚矣。較之飢傷而脾餒，勞傷而脾乏者，則彼尤不足，而此尚有餘也。後

人改飢飽勞逸為飢飽勞役，不所以內傷外感孰多孰

少，孰實孰虛，又在臨證時權衡矣。

二溼熱證惡寒無汗身重頭痛雄按吳本下有溼在表分

宜藿香香薷羌活蒼朮皮薄荷牛蒡子等味頭不痛者去

羌活雄按吳本無藿香香薷薄荷牛蒡子有葛根神麴廣皮枳殼

自注此下仿身重惡寒溼遏衛陽之表證頭痛必挾風邪

故加羌活不獨勝溼且以祛風楊云溼宜淡滲不宜專

牽涉此條乃陰溼傷表之候章云惡寒而不發熱故為

及風術羌活以發其表設暑勝者三味皆為禁藥章氏既知

陰溼因見其用香薷一味遂以此條為暑證之實據總

由誤以溼熱為暑也故其論暑連篇累牘皆是影響之

談夫七政運行有形可據尚難臆斷况太極無形空談

無謂道邇求遠反誤後

三溼熱證雄按吳本下有汗出二字惡寒發熱身重關節疼雄按吳本

腰三痛。溼在肌肉。不為雄按吳本作可汗解。宜滑石。大豆黃卷。茯

苓皮。蒼朮皮。藿香葉。鮮荷葉。白通草。桔梗等味。不惡寒者。

去蒼朮皮。雄按吳本此句作汗少惡寒者加葛根條內無荷葉藿香通草桔梗有神麴廣皮

此條外候。與上條同。惟汗出獨異。更加關節疼痛。乃溼

邪初犯陽明之表。而即清胃腕之熱者。不欲濕邪之鬱

熱上蒸。而欲溼邪之淡滲下走耳。此乃陽溼傷表之候。

以其惡寒少而發熱多故為陽溼也雄按吳本下有然藥用滲利其小便之不利可知矣二句汪按此二句乃

他人所附評語

四溼熱證。三四日。即口噤。四肢牽引拘急。甚則角弓反張。

此溼熱侵入經絡脈隧中。宜鮮地龍。秦艽。威靈仙。滑石。蒼

耳子。絲瓜藤。海風藤。酒炒黃連等味。

雄按吳本無此條

此條乃溼邪挾風者。風爲木之氣。風動則木張。乘入陽

明之絡。則口噤。走竄太陰之經。則拘攣。故藥不獨勝溼。

重用息風。一則風藥能勝溼。一則風藥能疏肝也。選用

地龍諸藤者。欲其宣通脈絡耳。

十二經絡皆有筋相連。繫邪由經絡傷及於筋。

則瘳癱拘攣角弓反張。筋由肝所主。故筋病必當舒肝。

雄按地龍殊可不必加以羚羊。竹茹桑枝等亦可。筵伯云地龍靈仙蒼耳海風藤似嫌過於走竄。不如羚羊竹茹桑枝等較妥。或加鉤藤可乎。

或問仲景治瘳原有桂枝加栝蓰根及葛根湯兩方。豈

宜於古而不宜於今耶。今之瘳者與厥相連。仲景不言

及厥。豈金匱有遺文耶。余曰非也。藥因病用。病源既異。

治法自殊。汪按不但此也。洞溪已云金匱治瘧諸方見効絕少矣。傷寒之瘧自外

來。謂由外風。證屬太陽。口噤即屬陽明。義詳本論。治以散外邪為主。溼熱

之瘧自內出。謂由內風。波及太陽。治以息內風為主。蓋三焦

與肝膽同司相火。少陽生氣生於肝膽。流行三焦名相火也。中焦溼熱不解

則熱盛於裏。而少火悉成壯火。火動則風生。而筋攣脈

急。風煽則火熾。而識亂神迷。雄按設再投桂葛以助身其風則燎原莫救矣。

中之氣隨風火上炎。而有升無降。雄按治溫熱諸病者不可不知此理。常

度盡失。由是而形若尸厥。正內經所謂血之與氣併走

於上。則為暴厥者是也。外竄經脈則成瘧。內侵膈中則

為厥。瘧厥並見。正氣猶存一綫。則氣復返而生。胃津不

克支持則厥不回而死矣。

雄按喻氏云人生天真之氣即胃中之津液是也故治溫

熱諸病首宜瞻顧及此董廢翁云胃中津液不竭其人必不即死皆見到之言也奈世人既不知溫熱爲何病更不知胃液爲何物溫散燥烈之

藥漫無顧忌誠不知其何心也。所以瘥之與厥往往

雄按此瘥即癰瘡也吳鞠通辨之甚

詳確

暑月瘥證與霍亂同出一源風自火生火隨風轉乘入

陽明則嘔賊及太陰則瀉是名霍亂竄入筋中則攣急

流入脈絡則反張是名瘥但瘥證多厥霍亂少厥蓋瘥

證風火閉鬱鬱則邪勢愈甚不免逼亂神明故多厥霍

亂風火外泄泄則邪勢外解

雄按宜作越

不至循經而走故

少厥。此瘧與霍亂之分別也。然瘧證邪滯三焦。三焦乃火化。風得火而愈熾。則逼入臍中而暴厥。霍亂邪走脾胃。脾胃乃溼化。邪由溼而停留。則淫及諸經而拘攣。火鬱則厥。火竄則攣。又瘧與厥之遺禍也。瘧之攣結。乃溼熱生風。霍亂之轉筋。乃風來勝溼。雄按木克土也。瘧則由經及臟而厥。霍亂則由臟及經而攣。總由溼熱與風淆亂。清濁升降失常之故。夫溼多熱少。則風入土中而霍亂。雄按霍亂溼多熱少。道其常也。余自髫年。卽見此證流行。死亡接踵。然聞諸父老云。向來此證甚稀。而近則常有。因於道光戊戌。戌輯一事。論問世。嗣後此證屢行。然必在夏熱亢旱酷暑之年。則其證乃劇。自夏末秋初而起。直至立冬後始息。夫彤彤徂暑。溼自何來。只緣今人蘊溼者多。暑邪易於深伏。迨一朝猝發。遂至闔戶沿村風行。似

疫醫皆未知原委。理中四逆。隨手亂投。殊可歎也。余每治愈此證。必問其人曰。病未猝發之先。豈竟毫無所苦耶。或曰。病前數日。手足心先覺熱。或曰。未病前。觀物皆紅如火。噫。豈非暑熱內伏。欲發而未發。而先露其機耶。咸豐紀元。此證盛行。經余治者。無一不活。而世人。不察輒以薑附殺之。不已。頃平楊云。道光元年。直省此證大作。一覺轉筋。卽死。京師至棺木買盡。以席裹身而葬。卒未有識爲何證者。俗傳食西瓜者。卽死。故西瓜賤甚。余時年十一。輒與同學者。日日飽啖之。卒無恙。今熱多溼少。則風讀此論。則醫學之陋。不獨今日爲然也。熱多溼少。則風乘三焦而痙厥。厥而不返者死。胃液乾枯。火邪盤踞也。轉筋入腹者死。胃液內涸。風邪獨勁也。然則胃中之津液。所關顧不鉅哉。雄按此理喻氏發之。葉氏暢之。實諸病之生死關鍵也。在溫熱等病。尤爲扼要。然明明言之。而鞠通虛谷之論霍亂也。猶未知之。況他人乎。厥證用辛。開泄胸中無形之邪也。乾霍亂用探吐。泄胃中有形之滯也。然泄

邪而胃液不上升者。熱邪愈熾。探吐而胃液不四布者。
風邪更張。終成死候。不可不知。雄按此條自注。明以溼
熱二氣分疏。章氏妄逞
已見。謂溼熱即暑也。強合二氣為一氣。且併難經溼
熱病為一證矣。蓋由未讀越人之書耳。茲於原釋中悉
為訂正。而附記
於此。以質宗工。

五溼熱證。壯熱。口渴。舌黃。或焦紅。發瘧。神昏。譫語。或笑。邪

灼心。包營血已耗。宜犀角。羚羊角。連翹。生地。元參。鉤藤。銀

花露。鮮菖蒲。至寶丹。

四十

等味。

雄按吳本無銀花露。汪按
宜從吳本。蓋花露清靈芳

潤用治熱病殊佳。然中
有蘊溼者。終覺非宜也。

上條言瘧。此條言厥。溫暑之邪。本傷陽氣。雄按此謂邪
之初感。必先

干陽分而
傷氣也。

及至熱極。逼入營陰。

雄按雖挾溼邪日久已
從熱化。在氣不能清解。

必至則津液耗而陰亦病心包受灼神識昏亂用藥以

清熱救陰泄邪平肝為務雄按昏譫乃將厥之兆也

六淫熱證發痙神昏笑妄脈洪數有力開泄不效者溼熱

蘊結胸膈宜仿涼膈散四十若大便數日不通者熱邪閉

結腸胃宜仿承氣微下之例章云口宜仿日微下教人細審詳慎不可孟浪攻瀉蓋暑

溼黏膩須化氣緩攻不同傷寒化熱而燥結須鹹苦峻下以行之也雄按吳本無此條

此條乃陽明實熱或上結胸膈或下結腸胃清熱泄邪止能

散絡中流走之熱而不能除腸中蘊結之邪故陽明之

邪仍假陽明為出路也陽明實熱舌苔必老黃色或兼燥若猶帶白色而滑者乃溼重

為夾陰之邪或脹滿不得不下須佐二朮健脾燥溼否則脾傷氣陷下利不止即變危證蓋溼重屬太陰證必

當扶脾也。雄按苔色白滑不渴腹雖脹滿是太陰寒溼。豈可議下。但宜厚朴枳朮等溫中化溼爲治。若陽明之邪假陽明爲出路一言真治溫熱病之金鍼也。蓋陽明以下行爲順邪既犯之雖不可孟浪攻瀉斷不宜截其出路故溫熱自利者皆不可妄行提瀉也。楊云注語極鄭重。孟英辨駁尤精。二說皆宜參究。汪按凡率投補瀉者皆不知邪必須有出路之義者也。

七 溼熱證。壯熱煩渴。舌焦紅或縮。斑疹。胸痞。自利。神昏。痙

厥。熱邪充斥。表裏三焦。宜大劑犀角。羚羊角。生地。元參。銀花露。紫草。方諸水。金汁。鮮菖蒲等味。雄按吳本無銀花露方諸水金汁有丹皮

連翹

此條乃痙厥中之最重者。上爲胸悶下挾熱利。斑疹痙厥。陰陽告困。獨清陽明之熱。救陽明之液。爲急務者。恐

胃液不存。其人自焚而死也。雄按此治溫熱諸病之真詮也。醫者宜切記之。方諸

水俗以蚌水代之。腥濁已甚。宜用竹瀝為妙。此證紫雪六十一神犀丹九十六皆可也。

八。溼熱證。寒熱如瘧。雄按吳本下有舌苔。滑白口不知味八字。溼熱阻遏膜原。

宜柴胡。厚朴。檳榔。草果。藿香。蒼朮。半夏。乾菖蒲。六一散。十五

九。等味。雄按吳本無柴胡。檳榔。藿香。菖蒲。有神麴。

瘧由暑熱內伏。秋涼外束而成。若夏月。腠理大開。毛竅

疏通。安得成瘧。而寒熱有定期。如瘧證發作者。以膜原

為陽明之半表半裏。熱溼阻遏。則營衛氣爭。證雖如瘧。

不得與瘧同治。故仿又可達原飲之例。蓋一山外涼束。

一由內溼阻也。膜原在半表半裏。如少陽之在陰陽交界處。而營衛之氣內出於脾胃。脾胃邪

阻則營衛不利而發寒熱似瘧之證矣

九溼熱證數日後腕中微悶知飢不食溼邪蒙繞三

雄按宜作

上焦宜藿香葉薄荷葉鮮荷葉枇杷葉佩蘭葉

雄按離騷

爲佩故稱秋蘭爲佩蘭若藥肆中所售之佩蘭乃爛酣草之類不可入藥也汪按蘭卽省頭草離騷之蘭卽本草之蘭皆非今之蘭花前人辨之已極明確不必致疑矣蓋古人所謂香草皆取葉香非指花香而今之蘭花葉實不香明非古之蘭也醫者疑古藥品之蘭蕙正如儒者疑古食品之蚶廬皆不通古今之變者也取其宜暢冬瓜仁等味雄按吳本無此條蘆尖雄按卽蘆

此溼熱已解餘邪蒙蔽清陽胃氣不舒宜用極輕清之

品以宣上焦陽氣若投味重之劑是與病情不相涉矣

雄按章氏謂輕劑專爲吳人體弱而設是未察病情之言也或問溼熱盛時疫氣流行當服何藥預爲消弭余

謂葉訥人醫案存真載其高祖天士先生案云天氣鬱勃泛潮常以枇杷葉拭去毛淨鍋炒香泡湯飲之取芳香不燥不爲穢濁所侵可免夏秋時令之病餘則建蘭葉竹葉冬瓜蘆根皆主清肅肺氣故爲溫熱暑溼之要藥肺胃清降邪自不容矣若別藥恐滋流弊方名雖美不可試也而薄滋味遠酒色尤爲要務

此條須與第三十一條參看彼初起之實邪故宜涌泄

投此輕劑不相合矣又須與後條參看治法有上中之

分臨證審之

解後餘邪爲虛初發者爲實上焦近心故有懊惱識語中焦離心遠故無如其舌黃

邪盛亦有發識語者

十溼熱證初起發熱汗出胸痞口渴舌白溼伏中焦宜藿

梗蔻仁杏仁枳殼桔梗鬱金蒼朮厚朴草果半夏乾菖蒲

佩蘭葉六一散

五十九楊云俱可用但須擇一二味對證者用之不必並用等味雄按吳本

胸痞下曰不知飢口渴下曰不喜飲舌白
作舌苔滑白無杏仁蒼朮厚朴草果半夏

濁邪上干則胸悶胃液不升則口渴病在中焦氣分故

多開中焦氣分之藥雄按亦太多頗不似薛氏手筆此條多有挾食者

其舌根見黃色宜加瓜蒌查肉萊菔子江按此疑亦後人所附評語

十一淫熱證數日後雄按吳本下有胸痞二字自利溺赤雄按吳本作淫口渴

雄按吳本上有身熱二字淫流下焦宜滑石豬苓茯苓澤瀉葶藶通草

等味雄按吳本無澤瀉通草有神麴廣皮

下焦屬陰太陰所司陰道虛故自利化源滯則溺赤脾

不轉津則口渴總由太陰淫勝故也淫滯下焦故獨以

分利為治然兼證口渴胸痞須佐入桔梗杏仁大豆黃

卷。開泄中上。源清則流自潔。不可不知。雄按據此則本條胸痞二字當

從吳本增入為是至源清流潔云云則又非自注之文法殊可疑也汪按此篇多有後人評語傳寫驛入自注

之處此數語亦後人所附評語也以上三條俱溼重於熱之候

溼熱之邪不自表而入故無表裏可分。謂由膜原中道而入也雖無表

裏之分亦有淺深當別而未嘗無三焦可辨。猶之河間治消渴亦

分三焦者是也。夫熱為天之氣。雄按此明熱即暑之謂也章氏何以曲為改釋

溼為地之氣。熱得溼而愈熾。溼得熱而愈橫。雄按熱得溼則鬱遏

而不宜故愈熾溼得熱則蒸騰而上熏故愈橫兩邪相合為病最多丹溪有云溼熱為病十居八九故病之繁

且苛者莫如夏月為最以無形之熱蒸動有以之溼

有溼熱之人易患溼溫誤發其汗則溼熱混合為一而成死證名曰重暍也。溼熱兩分其病輕而緩。溼熱兩合其病重而

速章云故當開泄以分其熱若誤作溼多熱少則蒙上

流下當三焦分治調三焦之氣溼熱俱多則下閉上壅

而三焦俱困矣當開泄清熱兩法兼用猶之傷寒門二陽合病三

陽合病也蓋太陰溼化三焦火化有溼無熱止能蒙蔽

清陽或阻於上或阻於中或阻於下若溼熱一合則身

中少火悉化為壯火而三焦相火有不起而為虐者哉

雄按溼熱一合業已陰從陽化如此披猖况熱多溼少

乎故不言熱多溼少者非闕文也蓋急宜清熱有不待

言所以上下充斥內外煎熬最為酷烈雄按曰酷曰烈

矣兼之木火同氣表裏分司再引肝風痙厥立至雄按津

夏月每有肝風陡動煎熬一證言胃中津液幾何其能

供此交征乎。

雄按不辨暑證之挾溼與否而輒投溫燥以劫津液者宜鑑斯言。

至其所

以必屬陽明者。以陽明爲水穀之海。鼻食氣。口食味。悉

歸陽明。邪從口鼻而入。則陽明爲必由之路。

雄按肺胃大腸一氣

相通。溫熱究三焦。以此一臟二腑爲最要。肺開竅於鼻。吸入之邪。先犯於肺。肺經不解。則傳於胃。謂之順傳。不

但臟病傳腑。爲順。而自上及中。順流而下。其順也。有不

待言者。故溫熱以大便秘閉者。易治。爲邪有出路也。若

不下。傳於胃。而內陷於心。包絡。不但以臟傳腑。其邪由

氣分入營。更進一層矣。故曰逆傳也。因葉氏未曾明說

順傳之經。世多誤解。逆傳之理。余已僭注於本條之後。

讀此可證管窺之非妄。汪按鼻爲肺竅。所受之氣。必先入肺。此云悉歸陽明。不免語病。夢隱以

肺經不解。乃傳入胃。釋之意。始圓愜。其始也。邪入陽

明。早已先傷其胃液。其繼邪盛三焦。更欲資取於胃液。

司命者。可不爲陽明顧慮哉。雄按此不獨爲溼熱病說。法也。風寒化熱之後。亦須

顧此况
溫熱乎

或問木火同氣熱盛生風以致痙厥理固然矣然有溼

熱之證表裏極熱不痙不厥者何也余曰風木爲火熱

引動者原因木氣素旺木旺由於水虧故得引火生風反焚其木以致痙厥若水旺足

以制火而生木肝陰先虧內外相引兩陽相煽因而動

雄按吳張若肝腎素優並無裏熱者火熱安能招引肝

風也雄按喻氏云遇值熱而不覺其熱者乃爲平人蓋陰不虛者不畏暑而暑不易侵雖侵之亦不致劇

猶之乎水田不懼旱也陰虛者見日即畏雖處深宮之內而無形之暑氣偏易侵之更有不待暑侵而自成爲

厥者矣楊云虛損試觀產婦及小兒一經壯熱便成痙

之原一語揭出癱者以失血之後與純陽之體陰氣未充故肝風易動

也。雄按原本末及產婦今從吳本與小兒並論尤為周密然婦科不知血脫易瘕往往稱為產後驚風喻氏關之謬矣幼科一見發熱即以柴葛解肌為家常便飯初不究其因何而發熱也表熱不清柴葛不撤雖肝風已動瘕瘕已形猶以風藥助虐不亦慎乎此葉氏所以有劫肝陰竭胃汁之切戒也楊云瘕厥之證舉世不知其因今經此詳明剖析昭如白日矣

或問曰亦有陰氣素虧之人病患溼熱甚至斑疹外見入暮讖語昏迷而不瘕不厥者何也答曰病邪自盛於陽明之營分故由上腕而熏胸中則入暮讖妄邪不在三焦氣分則金不受囚木有所畏未敢起而用事至於斑屬陽明疹屬太陰亦二經營分熱極不與三焦相干即不與風木相引也此而瘕厥必胃中津液盡涸耗及

心營則肝風亦起。而其人已早無生理矣。雄按此從吳

則粗工之治溫熱妄用柴葛竭力以耗胃汁而鼓其肝風者真殺人不以刃也惟稍佐於涼潤方中或不致為

大害

十二溼熱證。舌徧體白。口渴。溼滯陽明。宜用辛開。如厚朴。

草果。半夏。乾菖蒲等味。舌白者言其若苔滑而口不渴者即屬太陰證宜溫之雄按苔白

不渴須詢其便溺不熱者始為宜溫之的證也又按此與第十條證相似吳本無此條楊云溼盛熱微之證初起原可暫用此等藥開之一見溼開化熱便即轉手清熱若執此為常用之法則誤矣注內補出審便溺一層尤為周到

此溼邪極盛之候。口渴。乃液不上升。非有熱也。辛泄太

過。即可變而為熱。以其屬陽明溼邪開泄則陽氣升而熱透而此時溼邪尚

未蘊熱。故重用辛開。使上焦得通。津液得下也。陽氣升則津液

化而得上
輪下布也

十三溼熱證。舌根白。舌尖紅。溼漸化熱。餘溼猶滯。宜辛泄。佐清熱。如蔻仁。半夏。乾菖蒲。大豆黃卷。連翹。綠豆衣。六一

散。

五十等味。雄按吳本無此條。

此溼熱參半之證。而燥溼之中。卽佐清熱者。亦所以存

陽明之液也。上二條。憑驗舌以投劑。爲臨證時要訣。蓋

舌爲心之外候。濁邪上熏心肺。舌苔因而轉移。葉氏溫熱論辨

舌最精詳。宜合觀之。雄按更宜參之準繩。

十四溼熱證。初起卽胸悶。不知人。脊亂大叫痛。溼熱阻閉。

中上二焦。宜草果。檳榔。鮮菖蒲。芫荽。六一散。五十各重用。

或加阜角。地漿水煎。雄按吳本無此條。淫按此條頗似痧證。宜用靈驗痧丸爲妙。六一散有甘草須慎用。

此條乃溼熱俱盛之候。而去溼藥多。清熱藥少者。以病邪初起。卽閉。不得不以辛通開閉爲急務。不欲以寒涼。

凝滯氣機也。雄按荒萎不如用薤白。或可配枳實。梔子。鼓者則配之。

十五。溼熱證。四五日。口大渴。胸悶欲絕。乾嘔不止。脈細數。

舌光如鏡。胃液受劫。膽火上衝。宜西瓜汁。金汁。鮮生地汁。

甘蔗汁。磨服鬱金。木香。香附。烏藥等味。雄按吳本作西瓜白汁。謂不取瓢中

汁。而以瓜肉搗汁也。併無金汁。蔗汁。

此營陰素虧。木火素旺者。木乘陽明。耗其津液。幸無飲。

邪。故一清陽明之熱。一散少陽之邪。不用煎者。取其氣

全耳。

舌光無苔。津枯而非潤。壅反。胸悶欲絕者。肝膽氣上逆也。故以諸汁滋胃液。辛香散逆氣。雄按。凡治

陰虛氣滯者。可以仿此。用藥楊云。此例精當。能如此旁通。方為善讀書人。雄又按。有治飲痛一案。宜參俞樾庵

云。嘉善一人。胸脹脘悶。諸治不效。一瓢用續隨子煎湯磨沈香。木香。檀香。降香。丁香。服一月。瀉盡水飲而痊。汪

按。續隨子。去油務盡。否則誤人。去油法。木淋用。梔梔後更宜紙隔。重壓換紙多次。方能去淨。

十六溼熱證。

雄按。吳本下有。身熱。口苦。四字。

嘔吐清水。或痰多。溼熱內留。

木火上逆。宜溫膽湯。

九十

加栝蒌。

雄按。吳本作黃連。

碧玉散。

五十

等味。

此素有痰飲。而陽明少陽同病。故一以滌飲。一以降逆。

與上條嘔同。而治異。正當合參。

碧玉散。即六一加青黛。以清肝膽之熱。上條液

枯以動肝膽之火故乾嘔此條
痰飲鬱其肝膽之火故嘔水

十七 溼熱證嘔惡不止晝夜不差欲死者肺胃不和胃熱
移肺肺不受邪也宜用川連三四分蘇葉二三分兩味煎
湯呷下即止

肺胃不和最易致嘔蓋胃熱移肺肺不受邪還歸於胃

必用川連以清溼熱蘇葉以通肺胃投之立愈者以肺

胃之氣非蘇葉不能通也分數輕者以輕劑恰治上焦

之病耳雄按此方藥止二味分不及錢不但治上焦宜

合後條觀之蓋氣貴流通而邪氣撓之則周行窒滯失
其清虛靈動之機反覺實矣惟劑以輕清則正氣宣布
邪氣潛消而窒滯者自通設投重藥不但已過病所病
不能去而無病之地反先遭其克伐章氏謂輕劑為吳

人質薄而設始未明治病之理也。川連不但治溼熱，乃苦以降胃火之上衝。蘇葉味甘辛而氣芳香，通降順氣，獨擅其長。然性溫散，故雖與黃連並駕，尚減用分許，而節制之可謂方成知約矣。世人不知諸逆衝上，皆屬于火之理，治嘔輒以薑、茱、丁、桂從事者，皆粗工也。余用以治胎前惡阻甚妙。

十八 溼熱證欬嗽晝夜不安甚至喘不得眠者暑邪入於

肺絡宜葶藶枇杷葉六一散

五十

等味

雄按吳本欬嗽下有喘逆面赤氣粗

六字而無甚至句

人但知暑傷肺氣則肺虛而不知暑滯肺絡則肺實葶

藶引滑石直瀉肺邪則病自除

吳子音曰業師張友樵治一酒客夏月痰欬氣

喘夜不得臥服涼藥及開氣藥不效有議用人參麥冬等藥者師診其脈右寸數實此肺實非肺虛也投以人參則立斃矣遂與此方煎服立愈明年復感客邪壅遏肺氣喘欬復作醫有以葶藶進者服之不效反煩悶開

泄師脈其右寸浮數口渴惡熱冷汗自出喘急煩悶曰
熱邪內壅肺氣鬱極是以逼汗外出非氣虛自汗也服
葶藶而反煩悶者肺熱極盛與苦寒相格拒也夫肺苦
氣上逆本宜苦以泄之而肺欲散又當兼食辛以散之
與麻杏甘膏湯九十八一劑肺氣得通而喘止汗斂諸
證悉平矣楊云余曾治一酒客大喘用金鑑蘇葶九而
愈亦與此同此蓋淫熱上壅之證也至案內所云服此
益甚則外感束其肺熱用此降之則外感反內陷而病
益甚麻杏甘石正祛外感而清內熱之方故速愈張
君用藥則是而立論高而不切非垂教後學之法也

十九淫熱證十餘日大勢已退惟口渴汗出骨節

痛雄按吳本下有不利入字餘邪留滯經絡宜元米即稷湯

泡於朮隔一宿去朮煎飲

病後淫邪未盡陰液先傷故口渴身痛此時救液則助
溼治溼則劫陰宗仲景麻沸湯之法取氣不取味走陽

不走陰。佐以元米湯。養陰逐溼。兩擅其長。

楊云煎法精妙。注亦明析。

汪按此身痛一證。乃溼滯之的驗。則口渴未必非溼淫于內。而引飲也。然津液亦必須顧慮。以尤治溼。不用煎而用泡。既巧妙。亦周緻。雄按用沙參麥冬。石斛枇杷葉等味。冬瓜湯煎服亦可。汪按用冬瓜靈妙。宜加絲瓜絡。

二十 溼熱證。數日後。汗出熱不除。或瘧。忽頭痛不止者。營

液大虧。厥陰風火上升。宜羚羊角。蔓荊子。鉤藤。元參。生地。

女貞子等味。

雄按吳本無女貞。有白芍。楊云白芍不如女貞。

溼熱傷營。肝風上逆。血不榮筋而瘧。上升顛頂。則頭痛。

熱氣已退。木氣獨張。故瘧而不厥。投劑以息風為標。養

陰為本。

雄按蔓荊不若以菊花桑葉易之。楊云蔓荊最無謂。所易甚佳。汪按枸杞子亦可用。不嫌其膩。

二十一 溼熱證。胸痞發熱。肌肉微疼。始終無汗者。腠理暑

邪內閉。雄按吳本無此四字作氣機拂鬱。淫熱不能達外。楊云吳本勝於原本。宜六一散。五

九一兩薄荷葉三四分。雄按吳本作三四十片。泡湯調下。卽汗解。

溼病發汗。昔賢有禁。此不微汗之病。必不除。蓋既有不

可汗之大戒。復有得汗始解之治法。臨證者當知所變

通矣。吳云此溼熱蘊遏氣鬱不宜故宜辛涼解散汗出。灌浴之輩最多此患。若加頭痛惡寒便宜用香薷

溫散矣。章云溼病固非一槩。禁汗者故仲景有麻黃加。尤湯等法。但寒溼在表法當汗解。溼熱在裏必當清利。

今以暑溼閉於腠理故以滑石利毛竅。若閉於經者又當通其經絡可知矣。汪按吳本薄荷較多則非微汗矣。

二十二溼熱證。按法治之。數日後或吐下一時並至者。中

氣虧損。升降悖逆。宜生穀芽。蓮心。雄按當是蓮子。扁豆。米仁。半夏。

甘草。茯苓等味。甚者用理中法。四十五雄按吳本無此條。若可用理中法者必是過

服寒涼所致

升降悖逆法當和中猶之霍亂之用六和湯也若太陰

憊甚中氣不支非理中不可

忽然吐下更當細審脈證有無重感別邪或傷飲食

雄按亦有因忿怒而致者須和肝胃

二十三溼熱證十餘日後左關弦數腹時痛時圓血肛門

熱痛血液內燥熱邪傳入厥陰之證宜仿白頭翁法

九十九

熱入厥陰而下利即不圓血亦當宗仲景治熱利法若

竟逼入營陰安得不用白頭翁湯涼血而散邪乎設熱

入陽明而下利即不圓血又宜師仲景下利譫語用小

承氣湯

三十九

之法矣

雄按章氏謂小承氣湯乃治厥陰熱利若熱入陽明而下利當用黃

芩湯九此不知傷寒論有簡誤之文也。本文云下利譫語者有燥矢也。宜小承氣湯。既有燥矢則為太陰轉入陽明之證。與厥陰無涉矣。溼熱入陽明而下利原宜宗黃芩湯為法。其有燥矢而譫語者未嘗無其候也。則小承氣亦可援例引用焉。

二十四溼熱證。十餘日後尺脈數下利或咽痛口渴心煩。

下泉不足熱邪直犯少陰之證。宜仿豬膚湯三涼潤法。

同一下利有厥少之分。則藥有寒涼之異。謂厥陰宜寒少陰宜涼也。

然少陰有便膿之候。不可不細審也。

二十五溼熱證。身冷脈細汗泄胸痞口渴舌白。溼中少陰。

之陽。宜人參白朮附子茯苓益智等味。雄按吳本無此條。楊云此等證固有

之然。本論溼熱却夾入寒溼。又不提明藥誤。豈不自亂其例。

此條溼邪傷陽。理合扶陽。口渴為少陰證。烏得妄

用寒涼耶。津液出於舌下。少陰經之廉泉穴。故凡少陰

津液以上升。非熱也。雄按此溼熱病之類證。乃寒溼也。

故傷人之陽氣。或溼熱證治。不如法。但與清熱。失於化

溼。亦有此變。但口渴而兼身冷。脈細汗泄。舌白。諸證者

固屬陰證。宜溫還須察其二便。如溲赤且短。便熱極臭

者。仍是溼熱蘊伏之陽證。雖露虛寒之假象。不可輕投

溫補也。章氏所云。溼遏陽氣。不化津

液之渴。又為太陰證。而非少陰證矣。

二十六暑月。病初起。但惡寒。面黃。口不渴。神倦。四肢嬾。脈

散。十六來復丹。四十等法。雄按吳本無此條。

暑月為陽氣外泄。陰氣內耗之時。故熱邪傷陰。陽明消

燥宜清宜涼。

雄按此治暑之正法。眼藏。

太陰告困。溼濁彌漫。宜溫宜

散。

雄按凡寒溼為病。雖在暑月。忌用涼藥。宜舍時從證。昔賢雖知分別論治。惜不能界畫清楚。而創陰暑

等名。貽誤後學不少。徐洄溪云。天有陰暑。人問有陰熱矣。一語破的。汪按。如夏日有陰暑。冬日當有陽寒。平倘

冬日感病。而醫者云。此為陽寒。治宜涼藥。未有不啖其妄者。而陰暑之名。乃相沿數百年。積非勝是。不可解也。

古法最詳。醫者鑒諸。

仲景謂自利不渴者。屬太陰。以其

即為太陰證之寒溼也。如或肢冷。脈細。必須薑附理中法。四十五

二十七。溼熱證。按法治之。諸證皆退。惟目瞑。則驚悸夢惕。

餘邪內留。膽氣未舒。宜酒浸郁李仁。薑汁炒棗仁。豬膽皮。

等味。

雄按吳本無此條。

滑可去著。郁李仁。性最滑脫。古人治驚後。肝系滯而不

下。始終目不瞑者。用之以下肝系而去滯。此證借用。良由溼熱之邪。留於膽中。膽爲清虛之府。藏而不瀉。是以病去。而內留之邪不去。寐則陽氣行於陰。膽熱內擾。肝魂不安。用郁李仁以泄邪。而以酒行之。酒氣獨歸膽也。棗仁之酸。入肝安神。而以薑汁製。安神而又兼散邪也。肝性喜涼散。棗仁薑汁太溫。似宜酌加涼品。雄按此釋甚是。如黃連山梔竹茹桑葉皆可佐也。

二十八 溼熱證。曾開泄下奪。惡候皆平。獨神思不清。倦語。

不思食。溺數。脣齒乾。胃氣不輸。肺氣不布。元神大虧。宜人

參。麥冬。石斛。木瓜。生甘草。生穀芽。鮮蓮子等味。

雄按吳本無此條。汪

按百合似亦可用。

開泄下奪。惡候皆平。正亦大傷。故見證多氣虛之象。理

合清補元氣。若用膩滯陰藥。去生便遠。

雄按此肺胃氣液兩虛之證。故

宜清補不但陰臟不可用。且與脾虛之宜於守補溫運者亦異。楊云分別極清。

二十九。溼熱證。四五日忽大汗出。手足冷。脈細如絲。或絕。

口渴。莖痛。而起坐自如。神清語亮。乃汗出過多。衛外之陽

暫亡。溼熱之邪仍結。一時表裏不通。脈故伏。非真陽外脫

也。宜五苓散。

二十一

去朮加滑石。酒炒川連。生地。耆皮等味。

雄按吳本無川連生地。

此條脈證全似亡陽之候。獨於舉動神氣得其真情。噫。

此醫之所以貴識見也。

以口渴莖痛知其邪結以神清語亮知非脫證。雄按此條原注

全似評贊章氏以爲自注究可疑也。至衛陽暫亡必由誤表所致。溼熱仍結陰液已傷。故以四苓加滑石導溼下行。川連生地清火救陰。耆皮固其衛氣。用法頗極周密。楊云。發明方意精當。汪按此注當亦後人所附評語。且此證世所罕見。況亡陽脫證。起坐自如。神清語亮者。亦不少。據以辨證。似不甚明確。惟口渴莖痛爲亡陽所無耳。

三十 溼熱證發痙神昏獨足冷陰縮下體外受客寒仍宜

從溼熱治。只用辛溫之品煎湯熏洗。楊云。仍從溼熱治是矣。辛溫熏洗不愈益

其溼乎。不惟治下而遺上也。汪按熏洗似無大礙。但未必有益。

陰縮爲厥陰之外候。合之足冷。全似虛寒。乃諦觀本證。無一屬虛。始知寒客下體。一時營氣不達。不但證非虛寒。併非上熱下寒之可擬也。仍從溼熱治之。又何疑耶。

發痙神昏邪犯肝心若邪重內閉厥陰將絕必囊縮足冷而舌亦卷是邪深垂死之證本非虛寒今云由外受客寒臨證更當詳細察問爲要雄按此條本文頗有語病恐非生白手筆

三十一 溼熱證初起壯熱口渴脘悶懊懣眼欲閉時譫語濁邪蒙閉上焦宜涌泄用枳殼桔梗淡豆豉生山梔無汗者加葛根

此與第九條宜參看彼屬餘邪法當輕散

餘邪不淨者自無壯熱譫

語等證必與初起邪勢重者形狀不同

此則濁邪蒙閉上焦故懊懣脘悶

眼欲閉者肺氣不舒也時譫語者邪鬱心包也若投輕

劑病必不除經曰高者越之用梔豉湯一涌泄之劑引

胃脘之陽而開心胸之表邪從吐散

若舌苔薄而清者邪未膠結可吐散

如舌苔厚而有根濁邪痰結須重用辛開苦降如吐之邪結不得出反使氣逆而變他證矣雄按此釋甚是病在上焦濁邪未結故可越之若已結在中焦豈可引吐不但溼熱證吐法宜慎也即痰飲證之宜於取吐者亦有辨別要訣趙恕軒串雅云宜吐之證必須看痰色吐在壁上須其痰乾之後有光亮如蝸牛之涎者無論痰在何經皆可吐也若痰乾之後無光亮之色者切忌用吐彼驗痰漬此驗舌苔用吐者識之又按何報之云子和治病不論何證皆以汗吐下三法取效此有至理存焉蓋萬病非熱則寒寒者氣不運而滯熱者氣亦壅而不運氣不運則熱鬱痰生血停食積種種阻塞於中矣人身氣血貴通而不貴塞非三法何由通乎又去邪即所以補正邪去則正自復但以平淡之飲食調之不數日而精神勃發矣故婦人不孕者此法行後即孕陰陽和暢也男子陽道驟興非其明驗乎後人不明其理而不敢用但以溫補為穩殺人如麻可歎也汪按何說乃據倒倉法言之

三十二 溼熱證經水適來壯熱口渴譫語神昏胸腹痛或

舌無苔脈滑數邪陷營分宜大劑犀角紫草茜根貫衆連翹鮮菖蒲銀花露等味雄按世人但知小柴胡湯一法而不分傷寒溫暑之病何也淫按茜根不若以丹皮赤芍易之

熱入血室不獨婦女男子亦有之不第涼血併須解毒

然必重劑乃可奏功

仲景謂陽明病下血譫語者此爲熱入血室卽指男子而言故無經

水適來之語

三十三熱證上下失血或汗血毒邪深入營分走竄欲泄

宜大劑犀角生地赤芍丹皮連翹紫草茜根銀花等味

雄按

以上四條吳本無之丹皮雖涼血而氣香走泄能發汗惟血熱而瘀者宜之又善動嘔胃弱者勿用

熱逼而上下失血汗血勢極危而猶不卽壞者以毒從

血出生機在是大進涼血解毒之劑以救陰而泄邪邪

解而血自止矣血止後須進參耆善後乃得

汪按善後宜兼養血

汗血卽張氏所謂肌衄也內經謂熱淫于內治以鹹寒

方中當增入鹹寒之味

此說未知何人所注亦甚有理也汪按可加牡蠣并有止汗之

功不嫌其澀此注乃後人所附評語未屬入原注者他

條俱與原注并合不可分析矣雄按此條本文但云熱

證是感受暑熱而不挾溼邪者也暑熱之氣極易傷營

故有是證章氏乃云此篇所謂溼熱卽是暑也然則此

條不曰溼熱而曰熱者又是何病耶夫寒暑二氣易經

卽以往來對待言之矣後之妄逞臆說者真是冷熱未

知辛甫云

辯得是

三十四溼熱證七八日口不渴聲不出與飲食亦不卻

按雄

吳本有二默默不語神識昏迷進辛香涼泄芳香逐穢俱

便自通句

不效。此邪入雄按吳本下有手字厥陰。主客渾受。宜仿吳又可。三甲

散。一百醉地鼈蟲醋炒鼈甲。土炒穿山甲。生殭蠶。雄按吳本無此

味柴胡。桃仁泥等味。

暑溼先傷陽分。然病久不解。必及於陰。陰陽兩困。氣鈍

血滯。而暑溼不得外泄。雄按據章氏以此為薛氏自注。然疊以暑溼二氣並言以解溼。

熱病證若謂暑中原有溼則暑下之溼又為何物乎一笑余恐後學迷惑故不覺其饒舌也遂深入

厥陰。絡脈凝瘀。使一陽少陽生氣也不能萌動。生氣有降無

升。心主阻遏。靈氣不通。所以神不清。而昏迷默默也。破

滯通瘀。斯絡脈通而邪得解矣。

海昌許益齋云。此條卽傷寒門。百合病之類。趙以德。張

路玉陶厚堂以爲心病徐忠可以爲肺病本論又出厥陰治法良以百脈一宗悉致其病元氣不布邪氣淹留乃祖仲景法用異類靈動之物鼈甲入厥陰用柴胡引之俾陰中之邪盡達於表廬蟲入血用桃仁引之俾血分之邪盡泄於下山甲入絡用殭蠶引之俾絡中之邪亦從風化而散緣病久氣鈍血滯非拘拘於恆法所能愈也

汪按此有神昏一證可知其非百合病矣故與百合病異治百合病究宜治肺爲是

三十五溼熱證口渴苔黃起刺脈弦緩囊縮舌鞭譫語昏不知人兩手摘掇津枯邪滯宜鮮生地蘆根生首烏鮮稻根等味若脈有力大便不通大黃亦可加入

雄按吳本無此條汪按首

烏味澀
似未妥

胃津劫奪。熱邪內據。非潤下以泄邪。則不能達。故仿承氣之例。以甘涼易苦寒。正恐胃氣受傷。胃津不復也。

三十六溼熱證。發瘧撮空。神昏笑妄。舌苔乾黃起刺。或轉

黑色。大便不通者。熱邪閉結胃腑。宜用承氣湯。六下之。按雄

此下十一條
從吳本補入

撮空一證。昔賢謂非大實。卽大虛。虛則神明渙散。將有脫絕之虞。實則神明被逼。故多撩亂之象。今舌苔黃刺。乾澀。大便閉而不通。其爲熱邪內結。陽明腑熱顯然矣。徒事清熱泄邪。止能散絡中流走之熱。不能除胃中蘊

結之邪。故假承氣以通地道。然舌不乾黃起刺者。不可

投也。

雄按第二十八條有曾開泄下奪之文。則溼熱病原有可下之證。惟溼未化燥。腑實未結者。不可下。

耳下之則利不止。如已燥結。亟宜下奪。否則垢濁熏蒸。神明蔽塞。腐腸燥液。莫可挽回。較彼傷寒之下不嫌遲。去死更速也。楊云。通透之論。

承氣用硝黃。所以逐陽明之燥火實熱。原非溼熱內滯

者所宜用。然胃中津液。爲熱所耗。甚至撮空撩亂。舌苔

乾黃起刺。此時胃熱極盛。胃津告竭。溼火轉成燥火。故

用承氣以攻下。承氣者。所以承接未亡之陰氣於一綫

也。溼溫病至此。亦危矣哉。

汪按治溫熱與傷寒異。而溫熱壞證多與傷寒同。

雄按。董廢翁云。外感之邪。既不得從元腑透達。則必向

裏而走空隙。而十二臟腑之中。惟胃爲水穀之海。其上
有口。其下有口。最虛而善受。故諸邪皆能入之。邪入則
胃實矣。胃實則津液乾矣。津液乾則死矣。楊乘六云。此
言道盡感證。致死根由。彼肆用風燥之劑。劫液天人生
命者。正坐不知此義耳。余謂凡治感證。須先審其胃汁
之盛衰。如邪漸化熱。卽當濡潤胃腑。俾得流通。則熱有
出路。液自不傷。斯爲善治。若恃承氣湯爲焦頭爛額之
客。詎非曲突徙薪之不早耶。楊云。陳修園自謂讀傷寒
論數十年。然後悟出存津
液三字。而其用藥仍偏辛燥。不知其所悟者何在。得孟
英反復申明。迷者庶可大悟乎。汪按此條語語破的。楊
評亦妙。存津液固爲治溫暑諸證之要
務。然非專恃承氣湯急下存津一法也。

三十七 溼熱證壯熱口渴自汗身重胸痞脈洪大而長者

此太陰之溼與陽明之熱相合宜白虎加蒼朮湯

一百二

熱渴自汗陽明之熱也胸痞身重太陰之溼兼見矣脈

洪大而長知溼熱滯於陽明之經故用蒼朮白虎湯以

清熱散溼然乃熱多溼少之候

雄按徐氏云暑不挾溼蒼朮禁用

白虎湯

七

仲景用以清陽明無形之燥熱也胃汁枯涸

者加人參以生津名曰白虎加人參湯

八雄按余於血虛加生地精虛

加枸杞有瘵者加牛夏用之無不神效

身中素有痺氣者加桂枝以通絡

名曰桂枝白虎湯

九十一

而其實意在清胃熱也是以後

人治暑熱傷氣身熱而渴者亦用白虎加人參湯熱渴

汗泄肢節煩疼者。亦用白虎加桂枝湯。胸痞身重兼見。則於白虎湯中。加入蒼朮。以理太陰之溼。寒熱往來兼集。則於白虎湯中。加入柴胡。以散半表半裏之邪。雄按暑邪熾盛。熱渴汗泄。而痞滿氣滯者。以白虎加厚朴。極效。凡此皆熱盛陽明。他證兼見。故用白虎清熱。而復各隨證以加減。楊云。此論極圓活。可悟古方加減之法。苟非熱渴汗泄。脈洪大者。白虎便不可投。辨證察脈。最宜詳審也。雄按。熱渴汗泄。而脈虛者。宜甘藥以養口。潤不渴。則為亡陽脫證。非參附回陽。不能挽救。洞溪醫論。謂陽未亡。則以涼藥止汗。陽已亡。則以熱藥止汗。此中轉變。介在幾微。辨之精且詳矣。學者宜究心焉。

三十八 溼熱證。溼熱傷氣。四肢困倦。精神減少。身熱氣高。

心煩溺黃。口渴自汗。脈虛者。東垣用清暑益氣湯。一百主
治。

同一熱渴自汗。而脈虛神倦。便是中氣受傷。而非陽明
鬱熱。清暑益氣湯。乃東垣所製。方中藥味頗多。學者當
於臨證時。斟酌去取可也。

雄按。此脈此證。自宜清暑益氣。以爲治。但東垣之方。雖
有清暑之名。而無清暑之實。觀江南仲。治孫子華之案。
程杏軒。治汪木工之案。可知。故臨證時。須斟酌去取也。

汪按。清暑益氣湯。河溪譏其用藥
雜亂固當。此云無清暑之實。尤確。余每治此等證。輒用
西洋參。石斛。麥冬。黃連。竹葉。荷桿。知母。甘草。梗米。西瓜。

翠衣等以清暑熱而益元氣無不應手取效也

汪按此方較東

垣之方爲妥然黃連尙宜酌用

三十九暑月熱傷元氣氣短倦怠口渴多汗肺虛而欬者

宜人參麥冬五味子等味

汪按徐洄溪謂麥冬五味欬證大忌惟不欬者可用是也

此卽千金生脈散也與第十八條同一肺病而氣粗與

氣短有分則肺實與肺虛各異實則瀉而虛則補一定

之理也然方名生脈則熱傷氣之脈虛欲絕可知矣

汪按

脈虛爲的驗若弦數者豈可輕試乎

雄按徐洄溪云此傷暑之後存其津液之方也觀方下

治證無一字治暑邪者庸醫以之治暑病誤之甚矣其

命名之意。卽於復脈湯內。取用參麥二味。因止汗。故加五味子。近人不論何病。每用此方。收住邪氣。殺人無算。用此方者。須詳審其邪之有無。不可徇俗。而視爲治暑之劑也。

四十暑月。乘涼飲冷。陽氣爲陰寒所遏。皮膚蒸熱。凜凜畏寒。頭痛頭重。自汗煩渴。或腹痛吐瀉者。宜香薷厚朴扁豆等味。汪按香薷惟暑月受涼無汗者宜之。有汗者宜慎用。

此由避暑而感受寒溼之邪。雖病於暑月。而實非暑病。昔人不曰暑月傷寒溼。而曰陰暑。以致後人淆惑貽誤匪輕。今特正之。其用香薷之辛溫。以散陰邪。而發越陽

氣厚朴之苦溫除溼邪而通行滯氣。扁豆甘淡行水和
中。倘無惡寒頭痛之表證。卽無取香薷之辛香走竅矣。
無腹痛吐利之裏證。亦無取厚朴扁豆之疏滯和中矣。
故熱渴甚者。加黃連以清暑。名四味香薷飲。減去扁豆。
名黃連香薷飲。溼盛於裏。腹膨泄瀉者。去黃連。加茯苓。
甘草。名五物香薷飲。若中虛氣怯。汗出多者。加入參耆。
白朮。橘皮。木瓜。名十味香薷飲。然香薷之用。總爲寒溼
外襲而設。楊云。古人亦云。夏月之用。香薷猶冬月之用。麻黃。不可用以治不挾
寒溼之暑熱也。畧參拙意。汪按。十味香薷飲。用藥亦太雜。

四十一 溼熱內滯。太陰鬱久而爲滯下。其證胸痞腹痛。下

墜窘迫。膿血稠黏。裏結後重。脈與數者。宜厚朴。黃芩。神麴。
廣皮。木香。檳榔。柴胡。煨葛根。銀花炭。荆芥炭等味。汪按。柴
葛終嫌
不妥。凡
病身熱
脈數。是
其常也。
惟痢疾
身熱脈
數。其證
必重。

古之所謂滯下。卽今所謂痢疾也。由溼熱之邪。內伏太
陰。阻遏氣機。以致太陰失健運。少陽失疏達。熱鬱溼蒸。
傳導失其常度。蒸爲敗濁膿血。下注肛門。故後重。氣壅
不化。仍數至。圞而不能便。傷氣則下白。傷血則下赤。氣
血並傷。赤白兼下。溼熱盛極。痢成五色。汪按。昔人有謂
紅痢屬熱。白痢
屬寒者。千
謬說也。痢
疾大抵皆由
暑熱。其由於
寒者。千不得
一。惟紅屬血。
白屬氣。則爲
定論。故用厚
朴。除溼而行滯氣。檳榔下逆而破結氣。黃芩清庚金之熱。

木香神麴疏中氣之滯葛根升下陷之胃氣柴胡升土

中之木氣

汪按蠶升無益而有害

熱侵血分而使血以銀花荊芥

入營清熱

汪按地榆炭丹皮炭亦可用

若熱盛於裏當用黃連以清

熱大實而痛宜增大黃以逐邪昔張潔古製芍藥湯以

治血痢方用歸芍芩連大黃木香檳榔甘草桂心等味

而以芍藥名湯者蓋謂下血必調藏血之臟故用之爲

君不特欲其土中瀉木抑亦賴以斂肝和陰也然芍藥

味酸性斂終非溼熱內蘊者所宜服

汪按芍藥甘草乃治痢疾腹痛之聖

劑與溼熱毫無所礙不必疑慮倘遇痢久中虛而宜用芍藥甘草之化

土者恐難任芩連大黃之苦寒木香檳榔之破氣若其

下痢初作。溼熱正盛者。白芍酸斂。滯邪斷不可投。汪按初起

用之亦無礙。並不滯邪已屢試矣。此雖昔人已試之成方。不敢引為後

學之楷式也。

雄按。嘔惡者忌木香。汪按後重非木香不能除。則無表

證者忌柴葛。汪按即有表證亦宜慎用。蓋胃以下行為順。滯下者垢

濁欲下。而氣滯也。雜以升藥。濁氣反上衝。而為嘔惡矣。

汪按升清降濁則可。今反升濁豈不大謬。至潔古芍藥湯之桂心。極宜審用。

苟熱邪內盛者。雖有芩連大黃之監制。亦恐其有跋扈

之患也。若芍藥之酸。不過苦中兼有酸味。攷本經原主

除血痺。破堅積。寒熱痼瘕。為斂肝氣。破血中氣結之藥。

仲聖於腹中滿痛之證多用之。故太陰病脈弱其人續自便利。設當行大黃芍藥者宜減之。以胃氣弱易動故也。蓋大黃開陽結。芍藥開陰結。自便利者宜減。則欲下而窒滯不行之痢。正宜用矣。楊云是極芍藥湯治溼熱下利屢有奇效其功全在芍藥但桂心亦須除去為妥汪按白芍開結佐以甘草和中必不有礙胃氣乃治痢必用之品不但治血痢也况白芍之酸嗽證尚且不宜則治痢用之有何顧忌乎

四十二痢久傷陽脈虛滑脫者真人養臟湯

一百六

加甘草

當歸白芍

脾陽虛者當補而兼溫然方中用木香必其腹痛未止故兼疏滯氣用歸芍必其陰分虧殘故兼和營陰

汪按果係

虛寒滑脫固宜溫溫今既云陰分但痢雖脾疾久必傳

腎以腎為胃關司下焦而開竅於二陰也汪按所傷者腎陰非腎陽

也蠻助腎況火為土母欲溫土中之陽必補命門之火

若虛寒甚而滑脫者當加附子以補陽不得雜入陰藥

矣汪按虛寒滑脫誠宜參附栗殼然忘卻此篇本專論溼熱病矣

雄按觀此條似非一瓢手筆而注則斷非本人自注汪按

當亦後人葉香巖云夏月炎熱其氣俱浮於外故為蓄

秀之月過食寒冷鬱其暑熱不得外達汪按亦有不食寒冷而患痢者

食物厚味為內伏之火煅煉成積傷於血分則為紅傷

於氣分則為白氣滯不行火氣逼迫於肛門則為後重

滯於大腸則爲腹痛。故仲景用下藥通之。河間丹溪用

調血和氣而愈。此時令不得發越。至秋收斂於內而爲

痢也。

汪按亦有夏月卽痢者

此理甚明。何得誤認爲寒而用溫熱

之藥。余歷證四十餘年。治痢惟以疏理推蕩清火而愈

者。不計其數。觀其服熱藥而死者甚多。

汪按余生平治痢必宗葉氏之

論。惟曾誤服溫澀者每多不救。其餘無不愈者。

同志之士。慎勿爲景岳之書所

誤。以殺人也。

汪按可謂苦日婆心。無如世之宗景岳者。必不肯信從也。聶久吾云。痢

疾投補太早。錮塞邪熱在內。久而正氣已虛。邪氣猶盛。

欲補而澀之。則助邪。欲清而攻之。則愈滑。多致不救。

汪按

幸而不死。亦必成休息痢。終身不瘥。

徐洄溪云。夏秋之間。總由溼熱積滯。

與傷寒三陰之利不同。

汪按學
者切記

後人竟用溫補殺人無

算。觸目傷懷。尤拙吾云。痢與泄瀉其病不同。其治亦異。泄瀉多由寒溼。寒則宜溫。溼則宜燥也。痢多成於溼熱。熱則宜清。溼則宜利也。雖泄瀉有熱證。畢竟寒多於熱。痢病亦有寒證。畢竟熱多於寒。是以泄瀉經久。必傷於陽。而腫脹喘滿之變生。痢病經久。必損於陰。而虛煩痿癢之疾起。痢病兜澀太早。溼熱流注。多成痛痺。泄瀉疏利過當。中虛不復。多作脾勞。此余所親歷。非臆說也。或問熱則清。而寒則溫。是矣。均是溼也。或從利。或從燥。何歟。曰寒溼者。寒從溼生。故宜苦溫。燥其中。溼熱者。溼從

熱化故宜甘淡。

滑石之類汪按茯苓通草亦是

利其下。蓋燥性多熱。利

藥多寒。便利則熱亦自去。中溫則寒與俱消。寒溼必本中虛。不可更行清利。溼熱鬱多成毒。不宜益以溫燥也。合諸論而觀之。可見痢久傷陽之證。乃絕無而僅有者。然則真人養臟湯。須慎重而審用矣。猶謂其雜用陰藥。豈未聞下多亡陰之語乎。須知陽脫者。亦由陰先亡。而陽無依。如盞中之油乾。則火滅也。

汪按辨得明暢庶免誤人

四十三痢久傷陰。虛坐努責者。宜用熟地炭炒當歸炒白

芍。炙甘草。廣皮之屬。

裏結欲便。坐久而仍不得便者。謂之虛坐努責。凡裏結。

屬火居多。火性傳送至速。鬱於大腸。窘迫欲便。而便仍不舒。故痢疾門中。每用黃芩清火。甚者用大黃逐熱。若痢久血虛。血不足。則生熱。亦急迫欲便。但久坐而不得便耳。此熱由血虛所生。故治以補血為主。裏結與後重不同。裏結者。急迫欲便。後重者。肛門重墜。裏結有虛實之分。實爲火邪有餘。虛爲營陰不足。後重有虛實之異。實爲邪實下壅。虛由氣虛下陷。是以治裏結者。有清熱養陰之異。治後重者。有行氣升補之殊。虛實之辨。不可不明。

汪按辨析精細允當言金玉

雄按。審屬痢久。而氣虛下陷者。始可參用升補。若初痢。

不挾風邪。久痢。不因氣陷者。升柴不可輕用。故喻氏逆
流挽舟之說。堯封斥爲僞法也。

四十四暑溼內襲。腹痛吐利。胸痞脈緩者。溼濁內阻太陰。
宜縮脾飲。百一

此暑溼濁邪。傷太陰之氣。以致土用不宣。太陰告困。故
以芳香滌穢。辛燥化溼爲制也。

雄按。雖曰暑溼內襲。其實乃暑微溼盛之證。故用藥如
此。汪按。此有脈緩可
徵。故宜用溫藥。

四十五暑月。飲冷過多。寒溼內留。水穀不分。上吐下瀉。肢
冷脈伏者。宜大順散。十六

暑月過於貪涼。寒溼外襲者。有香薷飲。寒溼內侵者。有大順散。夫吐瀉肢冷脈伏。是脾胃之陽爲寒溼所蒙。不得升越。故宜溫熱之劑。調脾胃。利氣散寒。然廣皮茯苓似不可少。此卽仲景治陰邪內侵之霍亂。而用理中湯之旨乎。畧參拙意

雄按。此條明言暑月飲冷過多。寒溼內留。水穀不分之吐利。宜大順散治之。是治暑月之寒溼病。非治暑也。讀者不可草率致誤。若肢冷脈伏而有苔黃煩渴。溲赤便穢之兼證。卽爲暑熱致病。誤投此劑。禍不旋踵。汪按。洞溪論大

順散語見第五卷本方下

四十六腸痛下利胸痞煩躁口渴脈數大按之豁然空者
宜冷香飲子。一百七

此不特溼邪傷脾。抑且寒邪傷腎。煩躁熱渴。極似陽邪。
爲病。惟數大之脈。按之豁然而空。知其躁渴等證。爲虛
陽外越。而非熱邪內擾。故以此方冷服。俾下咽之後。冷
氣既消。熱性乃發。庶藥氣與病氣。無扞格之虞也。

雄按。此證亦當詳審。如果虛陽外越。則其渴也。必不嗜
飲。其舌色必淡白。或紅潤而無乾黃黑燥之苔。其便溺
必溱白。而非穢赤。苟不細察。貽誤必多。○醫師祕笈。僅
載前三十五條。江白仙本。與溫熱贅言。於三十五條止。

探二十條而多後之十一條。且編次互異。無從訂正。偶於友人顧聽泉學博處。見鈔本溼熱條辨。云曩得於吳人陳秋垞贊府者。雖別無發明。而四十六條全列。殆原稟次序。固如是耶。今從之。俾學者得窺全豹焉。

又按喻氏云。溼溫一證。卽藏疫癘在內。一人受之。則爲

溼溫。一方受之。則爲疫癘。

楊云。以下論治疫之法。綱領已具。學者於此究心焉。庶免

多歧之惑。

余謂此卽仲聖所云。清濁互中之邪也。石頑亦云。

時疫之邪。皆從溼土。鬱蒸而發。土爲受盛之區。平時汗穢之物。無所不容。適當邪氣蒸騰。不異瘴霧之毒。或發於山川原陸。或發於河井溝渠。人觸之者。皆從口鼻。流

入膜原而至陽明之經。脈必右盛於左。蓋溼土之邪。以類相從。而犯於胃。所以右手脈盛也。陽明居太陽之裏。少陽之外。爲三陽經之中道。故初感一二日間。邪犯膜原。但覺背微惡寒。頭額暈脹。胸膈痞滿。手指痠麻。此爲時疫之報使。與傷寒一感便發熱。頭痛不同。至三日以後。邪乘表虛而外發。則有昏熱頭汗。或咽腫發斑之患。邪乘裏虛而內陷。或挾飲食。則有嘔逆痞滿。嘈雜失血。自利吐衄之患。若其人平素津枯。兼有停滯。則有譫語發狂言。舌胎黃黑。大便不通之患。平素陰虧。則有頭面赤熱。足膝逆冷。

雄按此二端亦有不屬陰虛而胃中濁氣上熏肺爲熱壅無以清肅下行而使

然者至夜發熱之患。若喘噦。冷汗。煩擾。慙瘕等證。皆因誤

治所致也。蓋傷寒之邪。自表傳裏。溫熱之邪。自裏達表。

雄按此謂伏氣發為溫熱也。若外感風溫暑熱。皆上焦先受。疫癘之邪。自陽明中道。

隨表裏虛實而發。不循經絡傳次也。以邪既伏中道。不

能一發便盡。雄按夏之溼溫。秋之伏暑。病機皆如此。治法有區別。故有得汗熱除。

二三日復熱如前者。有得下裏和。二三日復見表熱者。

有表和復見裏證者。總由邪氣內伏。故屢奪屢發。不可

歸咎於調理失宜。復傷風寒飲食也。汪按此真外解無

閱歷之言如香豉。葱白。連翹。薄荷之屬。內清無如滑石。芩連。山梔。

人中黃之屬。下奪無如硝黃之屬。如見發熱自利。則宜

葛根。芩。連。雄按葛根宜慎用余易以滑石銀花較安汪按宜用綠豆胸膈痞滿則宜

枳。桔。香。附。雄按桔梗太升須少用香附太燥宜酌用余則以厚朴主溼滿石菖蒲主痰痞貝母主鬱

結皆妙汪按用嘔吐呃逆則宜藿香。芩。連。雄按熱熾者製香附無礙

葉易衄血下血則宜犀角。丹皮。發斑咽痛則宜犀角。牛

蒡。亞枝云發斑咽爛者宜煩渴多汗則宜知母。石膏。愈

後食復勞復則宜枳實。梔。豉。汪按宜加竹茹隨證加萎。薤。茯苓。

丹皮。芍藥之類。汪按萎薤皆為合劑而香豉人中黃又宜慎用

為時疫之專藥以其總解溫熱時行外內熱毒也。顧雁庭云

喻氏治疫以解毒為主即又可之專用大黃葉氏之銀花金汁同用皆此意也雄按松峯之青蒿綠豆亦猶是

耳當知其證雖有內外之殊一皆火毒為患絕無辛溫

發散之例。每見窮鄉僻壤。無醫藥之處。熱極恣飲凉水。

多有浹然汗出而解者。

汪按昔人亦有多飲殺人之戒。須知又見鄉人有擣鮮車前草。

汁飲之。此非宜寒涼。不宜辛熱之明驗乎。

顧雁庭云脈證不必大涼。

而服大涼之藥。似有害而終無害者。疫也。脈證可進溫

補而投溫補之劑。始似似安而漸不安者。疫也。雄按疫證

皆屬熱毒。不過有微甚之分耳。間有服溫補而得生者。

必本非疫證。偶病於疫。腐盛行之際。遂亦誤指為疫也。

或熱邪不重。過服寒涼。亦宜溫補。回春。然非疫癘正治

之法。學者辨之。汪按溫補得生者。乃暑月乘涼飲冷中

于寒溼之病。與中于熱毒之病。大相逕庭。故一切風燥

引火上逆。亢熱彌甚者。以風燥之藥。性皆上升橫散。如

爐冶得鼓鑄之力也。用朴。半。檳榔。青皮。木香等耗氣之

藥胸膈愈加痞滿者。

汪按庸手見此必指爲虛。

擾苗助長之道也。

按雄

又可達原飲必溼盛熱微者可用未可執爲定法。

有下證已具而遲疑不敢攻

下。屢用芩連不應者。此與楊湯止沸不殊也。至於發狂

讖語。舌苔焦黑。而大便自利。證實脈虛。不可攻者。

雄按清熱

救陰間亦可愈。

及煩熱痞悶。冷汗喘乏。四肢逆冷。六脈虛微。不

受補者。皆難圖治也。時疫變證多端。未能一一曲盡。聊

陳大畧如此。

雄按小兒痘證多挾疫癘之氣而發。伍氏謂痘毒藏於脾經。正與此論合。故費氏專

講痘疫以救非常痘證之偏。厥功偉矣。後人不察。訾其

偏任寒涼。蓋未知痘之同於疫也。審其爲疫。必宗其法。

又可會亦論及近惟王清任知之。余謂麻疹亦有因疫

癘之氣而發者。故治法亦與溫熱相埒也。習幼科者於

溫熱暑疫諸證。因其可不細心討究耶。汪按治痘專任

寒涼。究非正軌。痘證本與斑疹不同也。此謂費氏之法

特以救非常之痘則知尋常之痘未可槩施若奉費氏
爲治痘定法而置溫托諸法於不用是又大誤矣卽如
溫熱病固大忌溫補而病情萬變至其壞證卻與傷寒
壞證無異有必須溫補挽救者亦不可執一也然豈可
奉溫補爲治溫
熱病之定法乎

又按李東垣云脾胃受勞役之疾飲食又復失節耽病
日久及事息心安飽食太甚病乃大作向者壬辰改元
京師戒嚴迨三月下旬受敵者凡半月解圍之後都人
之不受病者萬無一二旣病而死者繼踵不絕都門十
有二所每日各門所送多者二千少者不下一千似此
者幾三月此百萬人豈俱感風寒外傷者耶大抵人在
圍城中飲食失節勞役所傷不待言而知由其朝飢暮

飽起居不時。寒溫失所。動經兩三月。胃氣虧乏久矣。一旦飽食太過。感而傷人。而又調治失宜。或發表。或攻下。致變結胸發黃。又以陷胸茵陳等湯下之。無不死者。蓋初非傷寒。以誤治而變似真傷寒之證。皆藥之罪也。因以生平已試之效。著內外傷辨惑論一篇。云俞樾齋曰。此卽大兵之後。繼以大疫之謂也。觀此論而始曉然於勞役飢飽之病源。誠哉其爲內傷矣。必如是之疫。不宜涼瀉。而宜溫養矣。若白虎承氣達原飲。正犯東垣所訶責也。考其時。爲金天興元年。因蒙古兵退。而改元耳。尋以疫後。醫師僧道園戶。僨棺者。擅厚利。命有司倍征。以

助國用。民生其時。豈不苦極。若太平之世。民皆逸樂飽
暎。縱有勞役。及飲食失節者。不過經營辛苦之輩。設不
兼外感。亦不遽病。故如是之疫。絕無。而恰合東垣內傷
論之病。亦甚少。惟飽暎思淫慾。凡逸樂者。真陰每耗。則
外感病中之陰虛證。反不少耳。

又按羅謙甫云。總帥相公。年近七旬。南征。過揚州。俘虜
萬餘口。內選美色室女。近笄者四。置於左右。余曰。新虜
之人。其驚憂之氣。蓄於內。加以飲食失節。多致疾病。近
之。則邪氣傳染。爲害最大。况年高氣弱。尤宜慎也。總帥
不聽。至臘月。班師。大雪。新虜人凍餒。皆病。頭疼。欬嗽。自

利腹痛多致死亡。正月至汴。相公因赴賀宴。痛飲數次。遂病。脈沈細而弦。三四動一止。見證與新虜人無異。三日而卒。內經云。乘年之虛。遇月之空。失時之和。因而感邪。其氣至骨。可不畏哉。俞惺齋曰。按喻氏論疫。引仲景辨脈篇中。寸口脈陰陽俱緊者。一節闡發奧理。謂清邪中上。從鼻而入於陽。濁邪中下。從口而入於陰。在陽則發熱。頭疼。項強。頸攣。在陰則足膝逆冷。便溺妄出。大凡傷寒之邪。由外廓而入。故遞傳六經。疫邪由口鼻而入。故直達三焦。三焦相溷。內外不通。致有口爛。食斷。聲啞。咽塞。癰膿。下血。臍築。湫痛。等變。治法。未病前。預飲芳香。

正氣藥使邪不能入。若邪既入。則以逐穢爲第一義。此與吳又可之論暗合。較之李羅二家所述勞役憂驚凍餒致病者。迥別。然各有至理。醫者須詳察病因。諦參脈證而施治也。汪按據此則知疫病之因不一。斷不能執一方以槩治矣。惟云因病致死。病氣屍氣混合不正之氣。種種惡穢交結互蒸。人在其中。無隙可避。斯無人不病。是誠諸疫所同。然曩崇禎十六年。自八月至十月。京城大疫。猝然而死。醫禱不及。後有外省人員到京。能識此證。看膝彎後有筋腫起。紫色無救。紅色速刺出血。可無患。以此救活多人。病亦漸息。是亦醫者所當知也。蓋血出則疫毒外泄。故得生也。

按又有羊毛瘟者病人心前背後有黑點如蛇蚤斑者是也。以小鍼於黑處挑之。卽有毛出。須挑拔淨盡。乃愈。又輟耕錄載。元伯顏平宋後。搜取大黃數十車。滿載而去。班師過淮。俘掠之民。及降卒。與北來大兵。咸病疫。以大黃療之。全活甚衆。宋元通鑑載。作耶律楚材滅夏之事。則大黃洵治疫之妙品也。又可溫疫論贊大黃爲起死神丹。原非杜撰。然則李羅二家之說。又未可爲兵後病疫之定法矣。汪按李羅二說雖非定法。然亦不可不知。近年所見頗有合於李羅之說者。但謂之非正疫治法。則可。醫家大抵各明一義。全在善讀書者融會貫通也。蓋今世謂治疫必宜溫熱之劑。固屬謬論。然謂疫病斷無宜用溫熱者。則又膠滯之見矣。要在隨證施治。用得其當耳。

雄按續醫說云。王宇泰謂聖散子方。因東坡先生作序。

由是天下神之。宋末辛未年。永嘉瘟疫。服此方被害者。不可勝紀。余閱石林避暑錄。話云。宣和間。此藥盛行於京師。太學生信之尤篤。殺人無算。醫頓廢之。昔坡翁謫居黃州時。其地瀕江。多卑溼。而黃之居人。所感者。或因中溼而病。或因雨水浸淫而得。所以服之多效。以是通行於世。遺禍無窮也。宏治癸丑年。吳中疫癘大作。吳邑令孫磐。令醫人修合聖散子。徧施街衢。併以其方刊行。病者服之。十無一生。率皆狂躁昏瞶而死。噫。孫公之意。本以活人。殊不知聖散子方中。有附子。良薑。吳萸。豆蔻。麻黃。藿香。等藥。皆性味溫燥。反助熱邪。不死何待。苟不

辨證而一槩施治。殺人利於刀劍。有能廣此說以告人。亦仁者之一端也。余謂疫癘多屬熱邪。如老君神明散。務成螢火丸。倉公辟瘟丹。于建殺鬼圓。皆爲禁劑。設好仁不好學。輕以傳人。其禍可勝道哉。汪按曰辨證曰好溫燥之方。本以治寒溼。乃用以治燥熱。宜其殺人也。卽此論而反觀之。則知遇寒溼之證。而以治燥熱之方投之。亦必殺人矣。故傳方者。非輕淡平穩之方。切勿妄傳。否則有利亦必有害也。夫以東坡之淹博。尙有誤信聖散子之事。况下此者乎。今之搢紳先生。涉獵醫書。未經臨證。率爾著書立說。多見其不知量也。

汪按洞溪有涉獵醫書誤人論語皆切中

余師愚疫病篇

雄按。雞峯普濟方。論外感諸疾。有云。四時之中。有寒。暑。燥。溼。風。五氣相搏。善變諸疾。今就五氣中。分其清濁。則暑燥爲天氣。係清邪。風寒溼爲地氣。係濁邪。然則仲聖所云。清邪中上者。不僅霧露之氣已。而書傳兵火之餘。難免遺亡之憾。否則疫乃大證。聖人立論。何其畧耶。後賢論疫。各有精義。亦皆本於仲聖。清濁互中之旨。若但中暑燥之清邪。是淫熱爲病。治法又與嘉言又可異。汪按。須知此篇乃專治燥熱之疫。學者切記。自不致誤用矣。後人從未道及。惟秦皇士云。燥熱疫邪。肺胃先受。故時行熱病。見脣焦消渴者。宜用白虎湯。七惜語焉未詳。夫暑卽熱也。燥卽火也。金石

不堪其流燦。况人非金石之質乎。徐后山。柳崖外編。嘗云。乾隆甲子。五六月間。京都大暑。冰至五百文一斤。熱死者無算。九門出櫬。日至千餘。又紀文達公云。乾隆癸丑。京師大疫。以景岳法治者多死。以又可法治者亦不驗。桐鄉馮鴻臚。星實。姬人。呼吸將絕。桐城醫士投大劑石膏藥。應手而痊。踵其法者。活人無算。道光癸未。吾鄉郭雲臺。纂證治鍼經。特采紀說。以補治疫之一法。然紀氏不詳姓氏。讀之令人悵悵。越五載。毘陵莊製亭。官於長蘆。重鐫疫疹一得。書出。始知紀氏所目擊者。乃余君師愚也。原書初刻於乾隆甲寅。而世尠流行。苟非莊氏。

幾失傳矣。

汪按余氏以親所試驗者筆之於書發前人所未發非妄作也無如世皆崇信溫補余氏

之書非所樂聞間有信余氏之論者又不問是否燥熱爲病隨手妄施以致誤人論者益復集矢於余氏矣此

余氏之書所以不行於時也然豈余氏之過哉昔王白田先生作石膏辨力開石膏以爲受害者甚多豈知誤

用之而殺人者善余讀之雖純疵互見而獨識淫熱之用之即可救人乎

疫別開生面。洵補昔賢之未逮。堪爲仲景之功臣。不揣

疏庸。節取而刪潤之。纂作聖經之緯。

論疫與傷寒。似同而異。

疫證初起。有似傷寒。太陽陽明證者。然太陽陽明頭痛。不至如破。而疫則頭痛如劈。沈不能舉。傷寒無汗。而疫則下身無汗。上身有汗。惟頭汗更盛。頭爲諸陽之首。火

性炎上。毒火盤踞於內。五液受其煎熬。熱氣上騰。如籠上熏蒸之露。故頭汗獨多。此又痛雖同。而汗獨異也。有似少陽而嘔者。有似太陰自利者。少陽之嘔。脇必痛。疫證之嘔。脇不痛。因內有伏毒。邪火干胃。毒氣上衝。頻頻而作。太陰自利。腹必滿。疫證自利。腹不滿。大腸爲傳送之官。熱注大腸。有下惡垢者。有旁流清水者。有日及數十度者。此又證異而病同也。

論斑疹

余每論熱疫。不是傷寒。傷寒不發斑疹。或曰熱疫。不是傷寒。固已。至云傷寒。不發斑疹。古人何以謂傷寒熱未

入胃。下之太早。熱乘虛入胃。故發斑。熱已入胃。不卽下之。熱不得泄。亦發斑。斯何謂歟。曰。古人以溫熱皆統於傷寒。故內經云。熱病者。傷寒之類也。難經分別五種之傷寒。傷寒論辨別五種之治法。旣云熱入胃。縱非溫熱。亦是寒邪化熱。故可用白虎三黃化斑解毒等湯以涼解也。今人不悟此理。而因以自誤。誤人。至論大者爲斑。小者爲疹。赤者胃熱極。五死一生。紫黑者胃爛。九死一生。余斷生死。則又不在斑之大小紫黑。總以其形之鬆浮緊束爲憑耳。如斑一出。鬆活浮於皮面。紅如硃點紙。黑如墨塗膚。此毒之鬆活。外見者。雖紫黑成片。可生。一

出雖小如粟。緊束有根。如履透鍼。如矢貫的。此毒之有根。錮結者。縱不紫黑亦死。苟能細心審量。神明於鬆浮緊束之間。決生死於臨證之頃。始信余言之不謬也。

論治疫

仲景之書。原有十六卷。今世祇傳十卷。豈疫疹一門。亦在遺亡之數歟。以致後世立說紛紛。至河間清熱解毒之論。出有高人之見。異人之識。其旨旣微。其意甚遠。後人未廣其說。而反以爲偏。馮氏錦囊亦云斑疹不可發表。此所謂大中至正之論。惜未暢明其旨。後人何所適從。又可辨疫甚析。如頭痛發熱惡寒。不可認爲傷寒表。

證。強發其汗。徒傷表氣。熱不退。又不可下。徒傷胃氣。斯語已得其奧妙。奈何以疫氣從口鼻而入。不傳於胃。而傳於膜原。此論似有語病。至用達原飲。三消。諸承氣。猶有附會表裏之意。惟熊恂昭熱疫志驗。首用敗毒散。百一

八去其爪牙。繼用桔梗湯。五十一同爲舟楫之劑。治胸膈。

手六經邪熱。以手足少陽俱下。膈絡胸中三焦之氣。爲火。同相火遊行一身之表。膈與六經。乃至高之分。此藥浮載。亦至高之劑。施於無形之中。隨高下而退。胸膈及六經之熱。確係妙方。汪按敗毒散似未盡妥。究宜慎用。余今采用其法。減去硝黃。以熱疫乃無形之毒。難以當其猛烈。重用石

膏直入肺胃。先擣其窩巢之害。而十二經之患。自易平矣。無不屢試屢驗。明者察之。

論治疹。

疹出於胃。古人言。熱未入胃而下之。熱乘虛入胃。故發斑。熱已入胃。不卽下之。熱不得泄。亦發斑。此指寒邪化熱。誤下失下而言。若疫疹。未經表下。有熱。不一日而卽發者。故余謂。熱疫有斑疹。傷寒無斑疹也。熱疫之斑疹。發之愈遲。其毒愈重。一病卽發。以其胃本不虛。偶染疫邪。不能入胃。猶之牆垣高大。門戶緊密。雖有小人。無從而入。此又可所謂。達於膜原者也。有遲至四五日。而仍

不透者。非胃虛受毒已深。卽發表攻裏過當。胃爲十二經之海。上下十二經。都朝宗於胃。胃能敷布十二經。榮養百骸。毫髮之間。靡所不貫。毒旣入胃。勢必敷布於十二經。戕害百骸。使不有以殺其炎炎之勢。則百骸受其煎熬。不危何待。疫旣曰毒。其爲火也明矣。火之爲病。其害甚大。土遇之而焦。金遇之而鎔。木遇之而焚。水不能勝則涸。故易曰。燥萬物者。莫熯乎火。古人所謂。元氣之賊也。以是知火者。疹之根。疹者。火之苗也。如欲其苗之外透。非滋潤其根。何能暢茂。一經表散。燔灼火焰。如火得風。其焰不愈熾乎。焰愈熾。苗愈竭矣。疹之因表而死。

者。比比然也。其有表而不死者。乃麻疹。風疹之類。有謂疹可治。而斑難治者。殆指疫疹爲斑耳。夫疫疹亦何難治哉。但人不知用此法也。

論疫疹之脈。不能表下。

疫疹之脈。未有不數者。有浮大而數者。有沈細而數者。有不浮不沈而數者。有按之若隱若見者。此靈樞所謂陽毒伏匿之象也。診其脈。卽知其病之吉凶。浮大而數者。其毒發揚。一經涼散。病自霍然。沈細而數者。其毒已深。大劑清解。猶可撲滅。至於若隱若見。或全伏者。其毒重矣。其證險矣。此脈得於初起者。間有得於七八日者。

頗多。何也。醫者初認爲寒。重用發表。先傷其陽。表而不散。繼之以下。又傷其陰。殊不知傷寒五六日不解。法在當下。猶必審其脈之有力者。宜之。疫熱乃無形之毒。病形雖似大熱。而脈象細數無力。所謂壯火食氣也。若以無形之火熱。而當硝黃之猛烈。熱毒焉有不乘虛而深入耶。怯弱之人。不爲陽脫。卽爲陰脫。氣血稍能駕馭者。亦必脈轉沈伏。變證蜂起。或四肢逆冷。或神昏譫語。或鬱冒直視。或遺溺旁流。甚至舌卷囊縮。循衣摸牀。種種惡候。頗類傷寒。醫者不悟。引邪入內。陽極似陰。而曰變成陰證。妄投參桂。死如服毒。偏身青紫。口鼻流血。如未

服熱藥者。卽用大劑清瘟敗毒飲。九一百重加石膏。或可挽回。余因歷救多人。故表而出之。

論疹形治法。

鬆浮灑於皮面。或紅。或赤。或紫。或黑。此毒之外見者。雖有惡證。不足慮也。若緊束有根。如從皮裏鑽出。其色青紫。宛如浮萍之背。多見於胸背。此胃熱將爛之候。卽宜大清胃熱。兼涼其血。以清瘟敗毒飲。九一百加紫草。紅花。桃仁。歸尾。務使鬆活色淡。方可挽回。稍存疑慮。卽不能救。

論疹色治法。

血之體本紅。血得其暢。則紅而活。榮而潤。敷布洋溢。是疹之佳境也。○淡紅。有美有疵。色淡而潤。此色之上者也。若淡而不榮。或嬌而豔。乾而滯。血之最熱者。○深紅者。較淡紅爲稍重。亦血熱之象。涼其血。卽轉淡紅。○色豔如臙脂。此血熱之極。較深紅爲更惡。必大用涼血。始轉深紅。再涼其血。而淡紅矣。○紫赤。類雞冠花。而更豔。較豔紅。爲火更盛。不急涼之。必至變黑。須服清瘟敗毒飲。一百九加紫草。桃仁。○細碎。宛如粟米。紅者。謂之紅砂。白者。謂之白砂。疹後多有此證。乃餘毒盡透。最美之境。愈後蛻皮。若初病。未認是疫。後十日半月而出者。煩躁。

作渴。大熱不退。毒發於頷者。死不可救。

論發瘡。

疫毒發斑。毒之散者也。疫毒發瘡。毒之聚者也。初起之時。惡寒發熱。紅腫硬痛。此毒之發揚者。但寒不熱。平扁不起。此毒之內伏者。或發於要地。發於無名。發於頭面。發於四肢。種種形狀。總是瘡證。何以知其是疫毒所聚。尋常瘡脈洪大而數。疫毒之脈沈細而數。尋常瘡證頭或不痛。疫毒則頭痛如劈。沈不能舉。是其驗也。稽其證。有目紅。面赤而青慘者。有忽汗。忽嘔者。有昏憤如迷者。有身熱肢冷者。有腹痛不已者。有大吐乾嘔者。有大泄。

如注者。有譫語不止者。有妄聞妄見者。有大渴思水者。有煩躁如狂者。有喊叫時作。若驚若惕者。病態多端。大率類是。誤認尋常瘡證。溫托妄施。斷不能救。

雄按。暑溼熱疫諸病。皆能外發癰瘡。然病人不自知其證。發之由。外科亦但見其外露之瘡。因而誤事者最多。人亦僅知其死於外證也。噫。

論妊娠病疫。

母之於胎。一氣相連。蓋胎賴母血。以養母病。熱疫毒火。蘊於血中。是母之血。卽毒血矣。苟不亟清其血中之毒。則胎能獨無恙乎。須知胎熱則動。胎涼則安。母病熱疫。

胎自熱矣。竭力清解。以涼血。使母病去。而胎可無虞。若不知此。而舍病以保胎。必至母子兩不保也。至於產後。以及病中。適逢經至。當以類推。若云產後經期。禁用涼劑。則誤人性命。卽在此言。

論悶證。

疫疹初起。六脈細數沈伏。面色青慘。昏憤如迷。四肢逆冷。頭汗如雨。其痛如劈。腹內攪腸。欲吐不吐。欲泄不泄。男則仰臥。女則覆臥。搖頭鼓頤。百般不足。此爲悶疫。斃不終朝。如欲挽回於萬一。非大劑清瘟敗毒飲。九一百不可。醫卽敢用。病家決不敢服。與其束手待斃。不如含藥。

而亡。雖然難矣哉。

雄按。所謂悶者。熱毒深伏於內。而不發露於外也。漸伏漸深。入臟而死。不俟終日也。固已。治法宜刺曲池。委中。以泄營分之毒。再灌以紫雪。六十一清透伏邪。使其外越。楊云。治法精良。或可挽回。清瘟敗毒飲。何可試耶。汪按。本方有透故決不可用。

疫疹治驗。

乾隆戊子年。吾邑疫疹流行。初起之時。先惡寒。而後發熱。頭痛如劈。腰如被杖。腹如攪腸。嘔泄兼作。大小同病。萬人一轍。有作三陽治者。有作兩感治者。有作霍亂治。

者。迨至兩日。惡候蜂起。種種危證。難以枚舉。如此死者。不可勝計。良由醫者固執古方之所致也。要之執傷寒之方。以治疫。焉有不死者乎。是人之死。不死於病。而死於藥。不死於藥。而死於執古方之醫也。疫證。乃外來之淫熱。非石膏不能取效。且醫者意也。石膏者。寒水也。以寒勝熱。以水勝火。投之百發百中。五月間。余亦染疫。凡邀治者。不能赴診。叩其證狀。錄方授之。互相傳送。活人無算。癸丑。京師多疫。卽汪副憲。馮鴻臚。亦以余方傳送。服他藥不效者。並皆霍然。故筆之於書。名曰。清瘟敗毒飲。

飲一百

九
隨證加減。詳列於後。

雄按。吳門顧松園。

靖遠。

因父患熱病。爲庸醫。投參附所

殺。於是發憤習醫。寒暑靡間者。閱三十年。嘗著醫鏡十

六卷。徐侍郎秉義爲之序。稱其簡而明。約而該。切於時

用。而必效。惜無刊本。余求其書。而不得。近見桐鄉陸定

圃進士。冷廬醫話。載其治汪纘功。陽明熱證。主白虎湯。

每劑石膏用三兩。兩服熱頓減。而徧身冷汗。肢冷發

呃。郡中著名老醫。謂非參附。弗克回陽。諸醫和之。羣譁

白虎。再投必斃。顧引仲景熱深厥亦深之文。及嘉言陽

證忽變陰厥。萬中無一之說。諄諄力辯。諸醫固執不從。

投參附回陽。斂汗之劑。汗益多。而體益冷。反詆白虎之

害。微陽脫在旦暮。勢甚危。舉家驚惶。復求顧診。仍主白虎。用石膏三兩。大劑二服。汗止身溫。再以前湯加減。數服而痊。因著辨治論。以爲溫熱病中。宜用白虎湯。並不傷人。以解世俗之惑。陸進士云。此說與師愚之論合。且醫鏡中。佳方不少。其治虛勞方。用生地。熟地。天冬。麥冬。龜板。龍眼肉。玉竹。茯苓。山藥。人乳。吳醫彙講。乃屬之汪纘功。方中增入牛膝一味。豈顧著醫鏡一書。爲汪氏所竊取耶。附及之。以質博雅。汪按虛勞而欬者。肺中必有邪。麥冬。玉竹不宜用。

疫證條辨

一頭痛。目痛。頗似傷寒。然太陽陽明頭痛。不至於傾側難

目痛

玉地犀

法振

卷括

有身元

魁草升竹

骨節

編傳
炎炎

溫熱結縛卷四

三

舉。而此則頭痛如劈。兩目昏瞀。勢若難支。總因火毒達於

二經。毒參陽位。用釜底抽薪法。微火下降。其痛立止。其疹

自透。宜清瘟敗毒飲。一百九增石膏。元參。加菊花。誤用辛涼

表散。燔灼火焰。必轉悶證。

二骨節煩疼。腰如被杖。骨與腰皆腎經所屬。其痛苦此。是

淫熱之氣。已流於腎經。宜本方。增石膏。元參。加黃蘗。誤用

溫散。死不終朝矣。

三熱宜和。不宜躁。若熱至徧體炎炎。較之昏沈肢冷者。而

此則發揚。以其氣血。尚堪勝毒。一經清解。而疹自透。妄肆

發表。必至內伏。宜本方。增石膏。生地。丹皮。芩連。

躁靜
不常

火擾
不寐

周身如

冰色如

蒙垢滿

口如霜

頭痛如

裂飲水

惡冷不

服泥稠

四有似乎靜而忽躁有似乎躁而忽靜謂之靜躁不常較之顛狂彼乃發揚而此嫌鬱遏總爲毒火內擾以致坐臥不安宜本方增石膏犀角黃連

五寤從陽主上寐從陰主下胃爲六腑之海熱毒壅遏阻膈上下故火擾不寐宜本方增石膏犀連加琥珀

雄按火擾不寐何必琥珀若欲導下宜用木通

六初病周身如冰色如蒙垢滿口如霜頭痛如劈飲熱惡冷六脈沈細此陽極似陰毒之隱伏者也重清內熱使毒熱外透身忽大熱脈轉洪數煩躁譫妄大渴思冰證雖梟惡尚可爲力宜本方增石膏丹皮犀連加黃檗若遇庸手

四肢逆冷

筋脈抽惕
若驚焉

思水
厥冷

妄投桂附。藥不終劑。死如服毒。

七四肢屬脾。至於逆冷。雜證見之。是脾經虛寒。元陽將脫之象。惟疫則不然。通身大熱。而四肢獨冷。此烈毒鬱遏。脾經邪火莫透。重清脾熱。手足自溫。宜本方。增石膏。

雄按。四肢逆冷。在雜證。不僅脾經虛寒。在疫證。亦非毒壅脾經。增石膏。原是清胃。胃氣行。則肢自和也。亦有熱伏厥陰。而逆冷者。溫疫證中最多。不可不知也。

八筋屬肝。賴血以養。熱毒流於肝經。斑疹不能尋竅而出。筋脈受其衝激。則抽惕若驚。宜本方。增石膏。丹皮。加膽草。
九雜證有精液枯涸。水不上升。咽乾思飲。不及半杯。而此

頻嘔
旋吐

則思冰飲水。百杯不足。緣火毒熬煎於內。非冰水不足以救其燥。非石膏不足以制其焰。庸工猶戒生冷。病家奉爲至言。卽溫水亦不敢與。以致唇焦舌黑。宜本方增石膏。加花粉。

十四時百病。胃氣爲本。至於不食。似難爲也。而非所論於疫證。此乃邪火犯胃。熱毒上衝。頻頻乾嘔者。有之。旋食旋吐者。有之。胃氣一清。不必強之食。言無不食矣。宜本方增石膏。加枳殼。

雄按。熱壅於胃。杳不知飢。強進粥糜。反助邪氣。雖粒米不進。而病勢未衰者。不可疑爲胃敗也。若乾嘔吐食。則

鬱遏
胸膈

本方之甘桔丹皮皆不可用宜加竹茹枇杷葉半夏之類

十一胸膈乃上焦心肺之地而邪不易犯惟火上炎易及於心以火濟火移熱於肺金被火灼其燥愈甚胸膈鬱遏而氣必長吁矣宜本方增連桔加枳殼蘆仁

雄按邪火上炎固能鬱遏肺氣而爲膈滿第平素有停痰伏飲者或起病之先兼有食滯者本方地芍未可浪投臨證須辨別施治惟蘆薈汁既清燥火之閉鬱亦開痰食之停留用得其宜取效甚捷

十二昏悶無聲者心之氣出於肺而爲聲竅因氣閉氣因

昏悶
無聲

腹
痛
或
左
或
右

毒滯。心迷而神不清。竅閉而聲不出。宜本方。增石膏。犀角。芩連。加羚羊角。桑皮。

雄按。桑皮。雖走肺。而無通氣宣竅之能。宜用馬兜鈴。射干。通草之類。清神化毒。當參紫雪六十之類。

十三。胃氣弱者。偏寒偏熱。水停食積。皆與真氣相搏。而痛。此言尋常受病之源也。至於疫證。腹痛。或左。或右。或痛引小腸。乃毒火衝突。發泄無門。若按尋常腹痛。分經絡而治之。必死。如初起。祇用敗毒散。一百或涼膈散。四十加黃連。其痛立止。

雄按。疫證腹痛。固與雜證迥殊。然夾食。夾瘀。夾疝。因病

月服
初陽

胃少
冷氣

瀉熱經緯卷四
疫而宿疾兼發者亦正多也。臨證處方豈可不爲顧及。
十四筋肉瞤動在傷寒則爲亡陽而此則不然。蓋汗者心
之液。血之所化也。血生於心。藏於肝。統於脾。血被煎熬。筋
失其養。故筋肉爲之瞤動。宜本方。增石膏。生地。元參。加黃
檨。

雄按。亡陽瞤動宜補土制水。淫熱瞤動宜瀉火息風。本
方尙少鎮靜息風之品。宜去丹桔。加菊花。膽草。

十五病人自言。胃出冷氣。非真冷也。乃上升之氣。自肝而
出。中挾相火。自下而上。其熱尤甚。此火極似水。熱極之徵。
陽亢逼陰。故有冷氣。宜本方。增石膏。犀地。丹連。加膽草。

口中
具象

舌苔
如霜

雄按。冷氣上升。雖在別證中見之。亦多屬火。不知者。妄投溫熱。貽害可勝道哉。本方桔芍亦屬非宜。更有挾痰者。須加海蛇。竹瀝。蘆薈汁之類。汪按此證挾痰者最多十六口中臭氣。令人難近。使非毒火熏蒸於內。何以口穢噴人。乃爾耶。宜本方增石膏。犀連。

雄按。宜加蘭草。竹茹。枇杷葉。金銀花。薔薇露。瑩白金汁之類。以導穢濁下行。

十七舌苔滿口如霜。在傷寒。爲寒證的據。故當溫散。而疫證見此。舌必厚大。爲火極水化。宜本方增石膏。犀連。地。翹。連。加黃檗。誤用溫散。旋即變黑。汪按凡溫熱暑疫見此舌者。病必見重。最宜詳慎。

咽喉腫痛

口唇腫痛
頭面腫大

雄按。凡熱證。疫證。見此苔者。固不可誤指爲寒。良由兼痰挾溼。遏伏熱毒使然。清解方中。宜佐開泄之品爲治。十八咽喉者。水穀之道路。呼吸之出入。毒火熏蒸。至於腫痛。亟當清解。以開閉塞。宜本方。增石膏。元桔。加牛蒡射干。山豆根。

雄按。加瑩白金汁。最妙。藥汁礙咽者。亟以錫類散。一百吹之。

十九唇者。脾之華。唇焮腫。火炎土燥也。宜本方。增石膏。翹。連。加天花粉。

二十頭爲諸陽之首。頭面腫大。此毒火上攻。宜本方。增石

月後腫

頸腫

左腮右腫

瘰癧面起

膏元參加銀花馬勃殭蠶板藍根紫花地丁歸尾脈實者量加酒洗生大黃。

二十一面上瘰癧宛如火燙大小不一有紅有白有紫黑相間痛不可忍破流清水亦有流血水者治同上條。

二十二腮者肝腎所屬有左腫者有右腫者有右及左左及右者名曰炸腮不亟清解必成大頭治同上條。

二十三頸屬足太陽膀胱經熱毒入於太陽則頸腫宜本方增石膏元參翹桔加銀花夏枯草牛蒡紫花地丁山豆根。

二十四耳後腎經所屬此處硬腫其病甚惡宜本方增石

紅絲繞目

弄舌

膏。元。地。丹。翹。加。銀。花。花。粉。板。藍。根。紫。花。地。丁。耳。中。出。血。者。不。治。

雄按。坎爲耳。故耳爲腎水之外候。然肺經之結穴。在耳中。名曰龍葱。專主乎聽。金受火燄。則耳聾。凡溫熱暑疫等證。耳聾者。職是故也。不可泥於傷寒。少陽之文。而妄用柴胡。以煽其焰。古云。耳聾治肺。旨哉言乎。

二十五舌乃心之苗。心屬火。毒火衝突。二火相併。心苗乃動。而啞舌。弄舌。宜本方。增石膏。犀。連。元參。加黃檗。

雄按。宜加木通。蓮子心。硃砂。童溺之類。

二十六紅絲繞目。清其浮僭之火。而紅自退。誤以眼科治

頻出頭汗

之爲害不淺。宜本方。加菊花。紅花。蟬蛻。歸尾。穀精。

雄按。加味。亦是眼科之藥。不若但加羚羊角。龍膽草。二味。爲精當也。

二十七。頭爲一身之元首。最輕清。而邪不易干。通身焦燥。獨頭汗涌出。此烈毒鼎沸於內。熱氣上騰。故汗出如淋。宜本方。增石膏。元參。

雄按。本方宜去芍。桔。丹皮。加童溺。花粉。

二十八。齒者。骨之餘。雜證齮齒。爲血虛。疫證見之。爲肝熱。宜本方。增石膏。生地。丹。梔。加膽草。

雄按。齒齮屬陽明。不可全責之肝也。

齮齒

鼻衄

二十九疫證。鼻衄如泉。乃陽明鬱熱。上衝於腦。腦通於鼻。故衄如涌泉。宜本方。增石膏。元地。芩。連。加羚羊角。生桑皮。樓欄灰。

雄按。本方宜去桔梗。加白茅根。

苦白
珍珠

三十舌上白點如珍珠。乃水化之象。較之紫赤黃黑。古人謂之芒刺者。更重。宜本方。增石膏。犀。連。元。翹。加花粉。銀花。雄按。宜加薔薇根。瑩白金汁之類。

苦膩
粉

三十一疫證初起。苔如膩粉。此火極水化。設誤認爲寒。妄投溫燥。其病反劇。其苔愈厚。精液愈耗。水不上升。二火煎熬。變白爲黑。其堅如鐵。其厚如甲。敲之戛戛有聲。言語不

清。非舌卷也。治之得法。其甲整脫。宜本方。增石膏。元參。犀連。知。翹。加花粉。黃檗。

雄按此證。專宜甘寒。以充津液。不當參用苦燥。餘如梨汁。蔗漿。竹瀝。西瓜汁。藕汁。皆可頻灌。如得蕉花上露。更良。楊云。蕉花上露。爲清熱無上妙品。但不可必得。卽蕉根取汁。亦極妙也。若邪火已衰。津

不能回者。宜用鮮豬肉數斤。切大塊。急火煮清湯。吹淨浮油。恣意涼飲。乃急救津液之無上妙品。故友范慶簪嘗謂余云。酷熱炎天。正銀匠鎔鑄各州縣。奏銷銀兩之時。而銀爐甚高。火光撲面。非壯盛之人。不能爲也。口渴不敢啜茗。惟以淡煮豬肉。取湯涼飲。故裸身近火。而津

舌上
成坑

舌
衄

齒
衄

液不致枯竭。余因推廣其義。頗多妙用。拙案中可證也。

三十二舌上發丁。或紅。或紫。大如馬乳。小如櫻桃。三五不

等。流膿出血。重清心火。宜本方。增石膏。犀角。翹連。加銀花。

舌上成坑。愈後自平。

此二條乃三十六舌未有者

雄按。亦宜加薔薇根。金汁之類。外以錫類散。

一百或珍

珠。牛黃。研細。糝之。則坑易平。

三十三舌衄。乃血熱上溢。心苗宜本方。增石膏。黃連。犀角。

梔丹。加敗櫻灰。

雄按。外宜蒲黃炒黑。糝之。

三十四齒衄。乃陽明少陰三經之熱相併。宜本方。增石膏。

心腎
証語

元參。芩。連。犀。地。丹。梔。加黃蘗。

三十五心主神。心靜則神爽。心爲烈火所燭。則神不清。而
譫語。宜本方。增石膏。犀。連。丹。元。加黃蘗。膽草。

雄按。須參葉氏。溫熱論。逆傳治法。且此證。挾痰者多。最
宜諦審。

呃逆

三十六呃逆。有因胃熱上衝者。有因肝膽之火上逆者。有
因肺氣不能下降者。宜本方。增石膏。加竹茹。枇杷葉。柿蒂。
羚羊角。銀杏仁。如不止。用沈香。檳榔。烏藥。枳殼。各磨數分。
各四磨飲。仍以本方調服。

雄按。此三候。固皆實證。尙有痰阻於中者。便秘於下者。

乾心

另有治法。銀杏仁。溫澀氣分。但可以治虛呃。不宜加入此方。

三十七邪入於胃。則吐。毒猶因吐。而得發越。至於乾嘔。則重矣。總由內有伏毒。清解不容少緩。宜本方。增石膏。甘連。加滑石。伏龍肝。

雄按。甘草宜去。伏龍肝。溫燥之品。但可以治虛寒嘔吐。不宜加入此方。本方桔梗。丹芎。亦當去之。可加旋覆花。竹茹。半夏。枇杷葉。如用反佐。則生薑汁爲安。

汪按此方中生薑不

可

非似

三十八疫毒移於大腸。裏急後重。赤白相兼。或下惡垢。或

腹脹
泄瀉

下紫血。雖似痢。實非痢也。其人必惡寒發熱。小水短赤。但當清熱利水。宜本方。增石膏。黃連。加滑石。豬苓。澤瀉。木通。其痢自止。誤用通利止澀之劑。不救。

惟按熱多大腸惡垢既下。病有出路。化毒爲宜。既知不可通利。何以仍加苓。澤。等利水。母乃疏乎。惟滑石用得對證。他如金銀花。槐蕊。黃檗。青蒿。白頭翁。苦參。蘆朮。之類。皆可采也。

三十九毒火注於大腸。有下惡垢者。有利清水者。有傾腸直注者。有完穀不化者。此邪熱不殺穀。非脾虛也。較之似痢者。稍輕。考其證。身必大熱。氣必粗壯。小溲必短。脣必焦。

紫。大渴喜冷。腹痛不已。四肢時而厥逆。宜因其勢而清利之。治同上條。

雄按。脣焦大渴。津液耗傷。清化爲宜。毋過滲利。惟冬瓜煮湯代茶。煎藥。恣用甚佳。汪按此及上條皆宜用綠豆。

大便不通

四十疫證。大便不通。因毒火煎熬。大腸枯燥。不能潤下。不可徒攻其閉結。而速其死也。宜本方。加生大黃。或外用蜜

煎導法。汪按此證宜用麻仁。

便血

四十一邪犯五臟。則三陰脈絡不和。血乖行度。滲入大腸。而便血。宜本方。增生地。加槐花。柏葉。樛灰。雄按。樛灰溫澀。卽欲止之。宜易地榆炭。

小溲赤澀

四十二膀胱熱極。小溲短赤而澀。熱毒甚者。溲色如油。宜本方。加滑石。澤瀉。豬苓。木通。通草。扁蓄。

雄按。苓澤等藥。皆滲利之品。溺阻膀胱者。藉以通導。此證既云。熱毒內熾。則水已耗奪。小溲自然渾赤短澀。但宜治其所以然。則源清而流潔。豈可強投分利。而爲龔稼打油之事乎。或量證少佐一二味。慎毋忽視。而泛施也。

溺血血淋

四十三溺血。小便出血而不痛。血淋。則小腹陰莖。必兼脹痛。在疫證。總由血因熱迫。宜本方。增生地。加滑石。桃仁。茅根。琥珀。牛膝。樓灰。

發狂罵詈

熱血

遺溺

雄按。設兼痛脹。忌用櫻灰。

汪按。亦宜用地榆炭。

四十四發狂罵詈。不避親疏。甚則登高而歌。棄衣而走。踰垣上屋。力倍常時。或語生平未有之事。未見之人。如有邪附者。此陽明邪熱。上擾神明。病人亦不自知。僧道巫尼。徒亂人意。宜本方。增石膏。犀連丹。梔。加黃檗。

雄按。宜加硃砂。青黛。挾痰。加石菖蒲。竹瀝之類。

四十五疫證之痰。皆屬於熱。痰中帶血。熱極之徵。宜本方。增石膏。芩。地。加萸仁。羚羊角。生桑皮。櫻灰。

雄按。桑皮。櫻灰。可商。宜加滑石。桃仁。葦莖。瓜瓣之類。

四十六疫證遺溺。非虛不能約。乃熱不自持。其人必昏沈。

滿

譖語遺不自知。宜本方。增石膏。犀連。加滑石。

四十七諸病喘滿。皆屬於熱。况疫證乎。宜本方。增石膏。黃

芩。加桑皮。羚羊角。

雄按。杏仁。厚朴。半夏。旋覆花。枇杷葉。薏仁。蘆根。海蚌。蘆

根之類。皆可隨證採用。本方地芩。宜去之。汪按。下條亦宜去地芩。

黃疸

四十八淫熱重蒸。溼濁壅遏。則周身發黃。宜本方。增石膏。

梔子。加茵陳。滑石。豬苓。澤瀉。木通。汪按。淫盛而用石膏。似宜佐以蒼朮。厚朴之類。

雄按。此證亦有宜下者。汪按。青殼鴨蛋。敲小孔。納朴硝。於孔中。紙封。炖熟。日日服之。義

取一補一消。治黃疸甚效。余嘗親試之。初時便澹不爽。服朴硝而便反乾暢矣。

四十九疫證。循衣。摸牀。撮空。此肝經淫熱也。肝屬木。動

循衣
摸牀

風搖風自火出。左傳云。風淫末疾。四末。四肢也。肢動。卽風淫之疾也。宜本方。增石膏。犀。連。梔。丹。加膽草。

雄按。桑枝。菊花。絲瓜絡。羚羊角。白微之類。皆可采用。實者。宜兼通腑。虛者。宜兼養陰。

狐蠱

五十。狐蠱。宜本方。增石膏。犀角。加苦參。烏梅。槐子。以上五十證。熱疫惡候。變態無恆。失治於前。多致莫救。慎之。慎之。

伏天

外寒

五十一。疫證。熱毒盤踞於內。外則徧體炎炎。夫熱極之病。是必投以寒涼。火被水克。其焰必伏。火伏於內。必生外寒。陰陽相搏。則戰。一戰而經氣輸泄。大汗出。而病邪解矣。

五十二。疫證。瘧後。四肢浮腫。勿遽溫補。

瘧後
浮腫

雄按。宜清餘熱。兼佐充津。

瘡後

解渴

五十三瘡後。飲食漸增。而大便久不行。亦無所苦。此營液未充。若誤投通利。死不終朝矣。

王按宜食黑脂麻

瘡後

瘡或

痛癢

瘙癢

五十四熱疫為病。氣血被其煎熬。瘡後飲食漸進。氣血滋生。潤皮膚而灌筋骸。或痛或癢。宛如蟲行。最是佳境。不過數日。氣血通暢。而自愈矣。

腰膝

疼痛

五十五疫證。失治於前。熱流下部。滯於經絡。以致腰膝疼痛。甚者起不能立。臥不能動。誤作痿治。必成廢人。宜本方小劑。加木瓜。牛膝。續斷。萆薢。黃檗。威靈仙。

飲食

瘡後

五十六瘡後。不欲飲食。食亦不化。此脾胃虛弱。宜健脾養

胃。

雄按。不欲食。病在胃。宜養以甘涼。食不化。病在脾。當補

以溫運。醫者須分別論治。

汪按。葉香巖論脾胃辨析。最明暢。余以為勝於東垣之專

事升脾。學者所當師法也。

五十七。瘥後驚悸。屬血虛。宜養血鎮驚。

雄按。亦有因痰熱未清者。不可不知也。

汪按。因痰者頗多。

五十八。瘥後怔忡。乃水衰火旺。心腎不交。宜補水養心。

雄按。硃砂安神丸。

一百一十一最妙。

汪按。亦有兼挾痰者。

五十九。瘥後有聲不能言。此水虧。不能上接於陽也。宜補

水。

怔忡 瘥後 不言

驚悸 瘥後

瘥後
聲顫

雄按。有痰熱滯於肺絡者。宜清肅。有疫熱耗傷肺陰者。宜清養。不僅水虧爲然也。

六十瘥後。聲顫無力。語不接續。名曰鄭聲。乃氣虛也。宜補

中益氣湯。

汪按第五卷方論不錄此方。附論在清暑益氣湯二百三下。

雄按。此證雖屬氣虛。實由元氣無根。補中益氣。升陽之

劑。切勿誤投。宜集靈膏。

一百一十二

瘥後
喜唾

六十一瘥後喜唾。胃虛而有餘熱也。烏梅十個。北棗五枚。俱去核。共杵如泥。加煉蜜。丸彈子大。每用一丸。嚙化。

雄按。此方甚佳。

瘥後
多言

六十二言者。心之聲也。病中譫妄。乃熱擾於心。瘥後多言。

餘熱未淨。譬如滅火。其火已息。猶存餘焰也。

雄按。宜導赤散。四十一加麥冬。蓮子。心。硃砂。染燈心。

六十三 瘥後遺精。宜交心腎。

雄按。精因火動者多。宜清餘熱。黃連。黃檗。最是要藥。

六十四 瘥後。觸事易驚。夢寐不安。乃有餘熱挾痰也。痰與氣搏。故恐懼。

雄按。宜用竹茹。黃連。石菖蒲。半夏。膽星。梔子。知母。茯苓。旋覆花。橘紅。等藥。

六十五 瘥後。終日昏睡不醒。或錯語呻吟。此因邪熱未淨。伏於心包絡所致。

瘥後
昏睡

瘥後
遺精
易驚

汗盜汗
後自

後心

神不安

後虛

頭不寐

雄按。宜用丹參。白微。梔子。麥冬。甘草。木通。鹽水炒黃連。竹葉。硃砂。染燈心。細茶。等藥。挾痰者。花粉。天竺黃。石菖蒲。省頭草。之類。或萬氏牛黃清心丸。十四皆可採用。

六十六。瘥後。自汗。盜汗。虛象也。宜分陰陽而補益。

雄按。固屬虛候。多由餘熱未清。心陽內熾。慎勿驟補。清養爲宜。如西洋參。生地。麥冬。黃連。甘草。小麥。百合。竹葉。茯苓。蓮子心。之類。擇而爲劑可也。

六十七。瘥後。心神不安。乃心血虧損。宜養心。

雄按。固是心營不足。亦因餘熱未清。治如上條可也。

六十八。瘥後。虛煩不寐者。血虛神不守舍也。

瘧後
黃批

雄按。非神不守舍也。亦餘火擾動耳。治如上法。或加阿膠。或加生雞子黃。或加珍珠。審證而用得其宜。貴乎醫者之神悟矣。

六十九瘧後。餘熱未淨。腸胃虛弱。飲食不節。穀氣與熱氣兩陽相搏。身復發熱。名曰食復。

雄按。治法與傷寒食復同。更有瘧後起居不慎。作勞太早。虛陽浮擾。而發熱者。名曰勞復。治宜調氣血。

七十瘧後。早犯女色而病者。名女勞復。女犯者。爲男勞復。

其證頭重。目眩。腰痛。肢痠。面熱如烘。心胸煩悶。宜麥冬湯。

一百十三主之。若舌出寸餘。累日不收。名曰陽強。以冰片研細。

瘧後頭
重目眩
腰痛
肢痠
出寸餘

後男
子月重
入腹後
痛女人
乳抽裏
痛
引腹內
推攻胸
痛

糝之卽縮長至數寸者多不救。

雄按此方甚妙宜加竹茹枸杞子。

七十一男子新瘥餘熱未淨而女人與之交接得病者名陰陽易。女人新瘥餘熱未清而男子與之交接得病者名陰易。其證男子則陰腫入腹絞痛難忍。女人則乳抽裏急腰痛引腹內熱攻胸膈頭重難擡仰臥不安動搖不得最危之證。

雄按陰陽二易余謂之熱入精室證。第陰易較重於陽易。以女人疫熱之氣本從陰戶出也。古人用裙襠之義最精取其能引熱邪仍由原路去故陰易須剪所交接

女人身穿未浣之裋褐。千金用月經赤帛。亦從此脫胎。陽易須翦所交接男子。身穿未浣之裋褐。並取近陰處之數寸。燒灰服下。奏效甚捷。後人之用鼠矢。亦取其以濁導濁之義。然究不如燒裋散之貼切矣。餘如竹茹。花粉。韭白。滑石。白微。槐米。棟實。綠豆。甘草梢。土茯苓等藥。並走精室。皆可隨證採用。以上三條。溫熱病後亦同。不僅疫證爾也。